
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google[™] books

<https://books.google.com>



MANUALE

Pietatis

IN USUM

STUDIOSÆ JUVENTUTIS.



MECHLINIÆ

Typis P.-J. HANICQ, Typographi
Archiepiscopi Mechliniensis.

Cum Approbatione. — 1825.

REGULA

ITÆ CHRISTIANÆ.

*Ex Deo , diffide tibi , fac
propria castas ,
de Preces , paucis utere ,
agna fuge.*

*audi , dic pauca , tace ab-
ta. Disce Minori
cere , majori cedere , ferre
rem.*

*moras , mirare nihil , con-
mne caduca :*

*re pati , et Christo vivere ,
sce mori.*



PRECES MATUTINÆ.

Justus cor suum tradet ad vigilandum diliculo ad Dominum, qui fecit illum, et in conspectu Altissimi deprecabitur. Eccl. 39.

Idcirco dum evigilas, mi Discipule, corde et ore pronuntia : Jesus, Maria.

Crucisque signo te muniens, dic :

IN nomine Patris, et Filii, et Spiritûs Sancti. Amen.

Inter surgendum.

Ave Maria, gratiâ plena : Dominus tecum : benedicta tu in mulieribus, et benedictus fructus ventris tui, Jesus.

Sancta Maria, Mater Dei, ora pro nobis peccatoribus, nunc et in hora mortis nostræ. Amen.

Postea flexis genibus in cubiculo solus quislibet : vel in Oratorio communi incipit Regens :

Benedicta sit sancta Trinitas , atque indivisa Unitas : confitebimur ei , quia fecit etiam hâc nocte nobiscum misericordiam suam.

Agimus tibi gratias , omnipotens Deus , pro universis beneficiis tuis , qui vivis et regnas in sæcula sæculorum.

Disc. Amen.

Reg. Gratias tibi agimus , ô piissima Virgo Maria , pro universis favoribus tuis : et tibi beatissime Joseph : et tibi sancte Angele Dei , qui Custos es mei : et vobis cœli principes , sancti Patroni Patronæque omnes.

Magnificate Dominum mecum.

Disc. Et exaltemus nomen ejus in idipsum.

Reg. Gloria Patri , et Filio , et Spiritui sancto.

Disc. Sicut erat in principio , et nunc , et semper , et in sæcula sæculorum. Amen.

Reg. Veni sancte Spiritus , reple tuorum corda fidelium , et tui amoris in eis ignem accende.

Reg. Emitte Spiritum tuum, et
creabuntur.

Disc. Et renovabis faciem terræ.

OREMUS.

Reg. Deus, qui corda fidelium
sancti Spiritûs illustratione docuisti :
da nobis in eodem Spiritu recta sa-
pere, et de ejus semper consolatione
gaudere. Per Christum Dominum
nostrum.

Disc. Amen.



LITANIÆ

Beatæ Virginis Lauretanæ. ()*

(Feriâ VII. seu die Sabbati.)

KYRIE eleïson.
Christe eleïson,
Kyrie eleïson.
Christe audi nos.

(*) *Benedictus XIII.* 12 Jan. 1728
concessit indulgentias 200 dierum de-
votè recitantibus has *Litanias.*

Christe exaudi nos.
Pater de cœlis Deus , miserere nobis.
Fili Redemptor mundi Deus , mi-
serere nobis.
Spiritus sancte Deus , miserere no-
bis.
Sancta Trinitas unus Deus , miserere
nobis.
Sancta Maria , ora pro nobis.
Sancta Dei Genitrix ,
Sancta Virgo Virginum ,
Mater Christi ,
Mater divinæ gratiæ ,
Mater purissima ,
Mater castissima ,
Mater inviolata ,
Mater intemerata ,
Mater amabilis ,
Mater admirabilis ,
Mater creatoris ,
Mater salvatoris ,
Virgo prudentissima ,
Virgo veneranda ,
Virgo prædicanda ,
Virgo potens ,
Virgo clemens ,
Virgo fidelis ,
Speculum justitiæ ,
Sedes sapientiæ ,
Causa nostræ lætitiæ ,

Ora pro nobis.

Vas spirituale , ora pro nobis.

Vas honorabile ,

Vas insigne devotionis ,

Rosa mystica ,

Turris Davidica ,

Turris eburnea ,

Domus aurea ,

Fœderis arca ,

Janua cœli ,

Stella matutina ,

Salus infirmorum ,

Refugium peccatorum ,

Consolatrix afflictorum ,

Auxilium christianorum ,

Regina Angelorum ,

Regina Patriarcharum ,

Regina Prophetarum ,

Regina Apostolorum ,

Regina Martyrum ,

Regina Confessorum ,

Regina Virginum ,

Regina Sanctorum omnium ,

Agnus Dei, qui tollis peccata mundi ,
parce nobis , Domine.

Agnus Dei, qui tollis peccata mundi ,
exaudi nos , Domine.

Agnus Dei , qui tollis peccata mundi ,
miserere nobis.

†. Ora pro nobis , sancta Dei Gene-
trix.

R. Ut digni efficiamur promissionibus Christi.

OREMUS.

Gratiam tuam, quæsumus, Domine, mentibus nostris infunde, ut qui Angelo nuntiante, Christi Filii tui incarnationem cognovimus, per passionem ejus et crucem ad resurrectionis gloriam perducamur. Per eundem Christum Dominum. Amen.

Commendatio ad Virginem Mariam.

O Domina mea, Sancta Maria, me in tuam benedictam fidem ac singularem custodiam, et in sinum misericordiæ tuæ, hodiè et quotidè, et in hora exitûs mei, animam meam et corpus meum tibi commendo: omnem spem meam et consolationem meam, omnes angustias et misérias meas, vitam et finem vitæ meæ tibi committo; ut per tuam sanctissimam intercessionem, et per tua merita, omnia mea dirigantur et disponantur opera secundum tuam tuique Filii voluntatem. Amen.

A. Reg. OREMUS.

Deus ineffabilis misericordiæ, qui non solum homo, sed etiam filius hominis fieri dignatus es, et mulierem Matrem in terris habere voluisti, qui Deum Patrem habebas in cœlis: da nobis, quæsumus, ejus memoriam devotè celebrare, ejus maternitatem summè venerari; ac ejus superexcellentiissimæ dignitati humillimè subesse, quæ te de Spiritu sancto concepit, te Virgo peperit, et te in terris sibi subditum habuit Dominum nostrum Jesum Christum Filium Dei unigenitum, qui cum eodem Patre et Spiritu sancto vivis et regnas per omnia sæcula sæculorum. *D. Amen.*

OBLATIO PRIMA*Christo Domino.*

L. O Jesu, Fili Dei unigenite, Rex angelorum, et Redemptor hominum, te uti Deum meum verum adoro: ut Regi meo unico me tibi subjicio: te ut Salvatorem meum unicum agnosco et diligo. In conspectu omnium excellentiarum tua-

rum cœlestium supplicem me exhibeo , ut portio minima facturæ tuæ , et tanquam nihilum coram te. Prosterne etiam me coram humanitatis tuæ magnitudine tanquam humillimum mancipium tuum et vilissimum peccatorem. Offero tibi animam meam et corpus meum cum omnibus facultatibus suis : tibi vitam meam consecro et aeternitatem , et potissimè præsentò tibi et dedico universa studia mea , actiones , cogitationes , verba , et quicquid hâc die grave aut molestum passus fuero , cupiens referre singula ad gloriam tuam , firmiterque propono , adjuvante gratiâ tuâ , nullum unquam et specialiter hâc die vel peccatum veniale committere , te amare , tibi servire , et sanctissimam voluntatem tuam semper et ubique adimplere.

D. Amen.

SECUNDA OBLATIO

Sanctissimæ Virgini.

L. O Virgo sanctissima et Mater Domini Salvatoris mei , te colo , te veneror , meque tibi submitto , in quantum secundum omnes excel-

lencias tuas digna es et ego debeo : prout , inquam , vult te Jesus filius tuus à me honorari. Offero me et præsentò me tibi ut humillimum mancipium Jesu , tuum et sanctissimæ tuæ familiæ. Et te deprecòr , ut sub hoc titulo me recipias , offeras , donesque Jesu filio tuo , et ut virtute hujus meæ oblationis , actiones omnes , cogitationes , verba , studiaque vitæ meæ , et hujus diei ad te spectent. A te rogo , Mater misericordiæ , ut animæ meæ sis Mater , me in puritate corporis animæque custodias , omnesque peccati laqueos removeas. *D. Amen.*

TERTIA OBLATIO

Sancto Josepho.

L. O Beatissime Sponse Virginis , et Nutritie Jesu , te colo et me tibi submitto pro prærogativarum tuarum multitudine , animamque meam , spiritum meum , voluntatem et universa studia in manibus tuis colloco , ut ea offerre Jesu et Mariæ digneris et de illis agere prorsus pro eorum desideriis. Et te deprecòr , ut quem:

admodum puerum Jesum conser-
vasti, ita à corpore meo et animâ
omne contagium hâc die arcere non
negligas, neque in timore et amore
Jesu semper conserves. *D. Amen.*

L. Pater noster, qui es in cœlis:
Sanctificetur nomen tuum: adve-
niat regnum tuum: Fiat voluntas
tua, sicut in cœlo et in terra:
Panem nostrum quotidianum da
nobis hodiè: Et dimitte nobis de-
bita nostra, sicut et nos dimittimus
debitoribus nostris. Et ne nos indu-
cas in tentationem.

D. Sed libera nos à malo. Amen.

L. Ave Maria, gratiâ plena: Do-
minus tecum: Benedicta tu in mu-
lieribus, et benedictus fructus ven-
tris tui, Jesus.

Sancta Maria, Mater Dei, ora
pro nobis peccatoribus, nunc et in
hora mortis nostræ.

D. Amen.

L. Credo in Deum, Patrem om-
nipotentem, creatorem cœli et terræ.
Et in Jesum Christum, filium ejus
unicum, Dominum nostrum. Qui
conceptus est de Spiritu sancto, na-
tus ex Maria Virgine. Passus sub
Pontio Pilato, crucifixus, mortuus

et sepultus. Descendit ad inferos, tertiâ die resurrexit à mortuis. Ascendit ad cœlos, sedet ad dexteram Dei Patris omnipotentis. Indè venturus est judicare vivos et mortuos. Credo in Spiritum sanctum. Sanctam Ecclesiam Catholicam, Sanctorum Communionem. Remissionem peccatorum. Carnis Resurrectionem. Et vitam æternam.

D. Amen.

L. Confiteor Deo omnipotenti, beatæ Mariæ semper Virgini, beato Michaëli Archangelo, beato Joanni Baptistæ, sanctis Apostolis Petro et Paulo, omnibus sanctis, et tibi Pater quia peccavi nimis cogitatione, verbo et opere : meâ culpâ, meâ culpâ, meâ maximâ culpâ. Ideo precor beatam Mariam semper Virginem, beatum Michaëlem Archangelum, beatum Joannem Baptistam, sanctos Apostolos Petrum et Paulum, omnes Sanctos, et te Pater, orare pro me ad Dominum Deum nostrum.

R. Misereatur vestri omnipotens Deus, et dimissis peccatis vestris, perducatur vos ad vitam æternam. *D.* Amen.

Qui legit particulariter , ubi dicitur vestri, vestris et vos , dicat nostri, nostris et nos.

R. Indulgentiam, absolutionem et remissionem peccatorum nostrorum tribuat nobis omnipotens et misericors Dominus. D. Amen.

R. Dignare , Domine , die isto.

D. Sine peccato nos custodire.

R. Miserere nostri , Domine.

D. Miserere nostri.

R. Fiat misericordia tua , Domine, super nos.

D. Quemadmodum speravimus in te.

R. Domine , exaudi orationem meam.

D. Et clamor meus ad te veniat. Si sit Diaconus vel Sacerdos , dicit ;

R. Dominus vobiscum.

D. Et cum spiritu tuo.

OREMUS.

R. Domine Deus omnipotens , qui ad principium hujus diei nos pervenire fecisti : tuâ nos hodiè salva virtute , ut in hac die ad nullum declinemus peccatum ; sed semper ad tuam justitiam faciendam nostra pro

cedant eloquia, dirigantur cogitationes et opera. Per Dominum nostrum Jesum Christum Filium tuum, qui tecum vivit et regnat, in unitate Spiritûs sancti Deus, per omnia sæcula sæculorum.

D. Amen.

R. Dies et actus nostros in suâ pace disponat Dominus omnipotens.

D. Amen.

OREMUS.

R. Dirigere et sanctificare, regere et gubernare dignare Domine Deus, Rex cœli et terræ, hodiè corda et corpora nostra, sensus, sermones et actus nostros in lege tuâ et in operibus mandatorum tuorum: ut hic et in æternum, te auxiliante, salvi et liberi esse mereamur: Salvator mundi, qui vivis et regnas in sæcula sæculorum. D. Amen.

Sub tuum Præsidium confugimus, sancta Dei Genitrix: nostras deprecationes ne despicias in necessitatibus nostris; sed à periculis cunctis libera nos semper, Virgo gloriosa et benedicta; Domina nostra, mediatrix nostra, advocata nostra, tuo Filio nos reconcilia, tuo Filio nos

P

Preces

enda, tuo Filio nos repræsentat.

vel se in cubiculo quislibet,
omnes in aulâ Regens aspergit
â lustrali.

*s autem quis aspergitur, dicat
tacitè :*

erges me, Domine, hyssopo,
ndabor : lavabis me, et super
dealbabor. *Psal. 50.*

Vel brevius :

is aquæ tactus propulset dæ-
actus.

ECES VESPERTINÆ.

Gratiarum Actio.

E Deum Patrem ingenitum,
um unigenitum, te Spiritum
n Paraclitum, sanctam et
uam Trinitatem toto corde
confitemur, laudamus atque
imus, quia fecisti etiam hac
discum misericordiam tuam :
ria in sæcula. *D. Amen.*
gimus tibi gratias, omnipo-
eus, pro universis beneficiis
ui vivis et regnas in sæcula
um. *D. Amen.*

R. Gratias tibi agimus, ô piissima Virgo Maria, pro universis favoribus tuis, et tibi sancte Angele Dei, qui custos es mei, et vobis cœli principes, sancti Patroni, Patronæque omnes.

R. Magnificate Dominum mecum.

D. Et exaltemus nomen ejus in idipsum.

R. Gloria Patri, et Filio, et Spiritui sancto.

D. Sicut erat in principio et nunc, et semper, et in sæcula sæculorum. Amen.

Petitio gratiæ.

Veni sancte Spiritus, reple tuorum corda fidelium, et tui amoris in eis ignem accende.

R. Emitte Spiritum tuum et creabuntur.

D. Et renovabis faciem terræ.

OREMUS.

Deus, qui corda fidelium sancti Spiritûs illustratione docuisti, da nobis in eodem Spiritu recta sapere, et de ejus semper consolatione gaudere. Per Christum Dominum nostrum. Amen.

EXAMEN CONSCIENTIÆ.

VEREBAR omnia opera mea , sciens ,
quòd non parceres delinquenti. Job. 9.

Redde rationem villicationis tuæ.
Luc. 16.

Stulte , hac nocte animam tuam
repetent à te : quæ autem parasti ,
cujus erunt? Luc. 12.

Inspice igitur , mi Discipule , si-
num conscientiæ , et vide , quid istd
die mali commiseris , quid verò boni
omiseris , et redi prævaricator ad cor.

Signo dato à Reg.

L. Pater noster , qui es in cœlis :
sanctificetur nomen tuum : adveniat
regnum tuum : fiat voluntas tua ,
sicut in cœlo et in terra. Panem
nostrum quotidianum da nobis ho-
diè : et dimitte nobis debita nostra ,
sicut et nos dimittimus debitoribus
nostris. Et ne nos inducas in tenta-
tionem :

D. Sed libera nos à malo.
Amen.

L. Ave Maria , gratiâ plena , Dominus tecum , benedicta tu in mulieribus , et benedictus fructus ventris tui , Jesus.

Sancta Maria , Mater Dei , ora pro nobis peccatoribus , nunc et in hora mortis nostræ.

D. Amen.

L. Credo in Deum , Patrem omnipotentem , creatorem cœli et terræ. Et in Jesum Christum , Filium ejus unicum , Dominum nostrum. Qui conceptus est de Spiritu sancto , natus ex Maria Virgine. Passus sub Pontio Pilato , crucifixus , mortuus et sepultus. Descendit ad inferos , tertiâ die resurrexit à mortuis. Ascendit ad cœlos , sedet ad dexteram Dei Patris omnipotentis. Inde venturus est judicare vivos et mortuos. Credo in spiritum sanctum , sanctam Ecclesiam Catholicam , Sanctorum communionem. Remissionem peccatorum. Carnis resurrectionem. Et vitam æternam.

D. Amen.

*Imaginare Christum coram velut
è cruce pendentem, vulneribus et
sanguine cruentum, oculi ad te blandè
conversis illacrymantem, eumque toto
affectu lentè et moditatè alloquere
in hunc modum :*

L. DOMINE Jesu Christe, anima-
rum nostrarum amator ardentissime,
qui præ nimia bonitate tuâ non vis
mortem peccatoris, sed ut magis con-
vertatur et vivat; doleo ex intimo
corde meo, quòd te Deum meum
atque benignissimum Redemptorem,
cui omnia peccata vehementer dis-
plicent, offenderim, qui me usque
adeò dilexisti, ut pro me servo vi-
lissimo sanguinem tuum pretiosum
fundero. et mortem acerbissimam
subire dignatus sis. O Bonitas infi-
nita! Deus meus, utinam te num-
quam offenderissem, qui infinitè bo-
nus es et super omnia cordis mei
desiderabilia amabilis, ignosce bone
Jesu, ignosce misericordiam pe-
tenti, miserere peccatoris, pro quo
apud Patrem tuum vox sanguinis

tui interpellat. Ignosco etiam pro tui amore, mi suavissime Domine, omnibus, qui me unquam offenderunt, firmiterque statuo, universa deinceps peccata fugere, eorumque occasiones omnes declinare, et ea, quæ contra immensam bonitatem tuam commisi in amaritudine animæ meæ confiteri, ac te, Deus meus, propter te metipsum super omnia in æternum amare.

O dulcissime Jesu, da mihi hanc gratiam. *D. Amen.*

L. Confiteor Deo omnipotenti, beatæ Mariæ semper Virgini, beato Michaëli Archangelo, beato Joanni Baptistæ, sanctis Apostolis Petro et Paulo, omnibus sanctis, et tibi Pater, quia peccavi nimis cogitatione, verbo, et opere; meâ culpâ, meâ culpâ, meâ maximâ culpâ: ideò precor beatam Mariam semper Virginem, beatum Michaellem Archangelum, beatum Joannem Baptistam, sanctos Apostolos Petrum et Paulum, omnes sanctos, et te Pater orare pro me ad Dominum Deum nostrum.

R. Misereatur vestri omnipotens Deus, et dimissis peccatis vestris

Preces

at vos ad vitam æternam. *D.*

indulgentiam, absolutionem
missionem peccatorum nostro-
tribuat nobis omnipotens et
ors Dominus. *D. Amen.*

ignare, Domine, nocte istâ.
ne peccato nos custodire.
iserere nostri, Domine.

iserere nostri.

at misericordia tua, Domine,
os.

quemadmodum speravimus

Domine, exaudi orationem

clamor meus ad te veniat.
minus vobiscum.

cum spiritu tuo.

OREMUS.

ista, quæsumus, Domine,
nem istam, et omnes insi-
nici ab ea longè repelle :
ni sancti habitent in ea,
n pace custodiant, et be-
tua sit super nos semper.
istum Dominum, etc. *D.*

R. Oremus pro fidelibus Defunctis.

R. De profundis clamavi ad te Domine, Domine, exaudi vocem meam.

D. Fiant aures tuæ intendentes, in vocem deprecationis meæ.

R. Si iniquitates observaveris Domine, Domine quis sustinebit?

D. Quia apud te propitiatio est: et propter legem tuam sustinui te Domine.

R. Sustinuit anima mea in verbo ejus, speravit anima mea in Domino.

D. A custodia matutina usque ad noctem speret Israël in Domino.

R. Quia apud Dominum misericordia, et copiosa apud eum redemptio.

D. Et ipse redimet Israël, ex omnibus iniquitatibus ejus.

R. Requiem æternam dona eis Domine.

D. Et lux perpetua luceat eis.

In die et Octava commemorationis fidelium Defunctorum præmittitur Ps. Miserere mei.

R. A porta inferi.

D. Erue, Domine, animas eorum.

R. Requiescant in pace.

D. Amen.

R. Domine, exaudi orationem meam.

D. Et clamor meus ad te veniat.

R. Dominus vobiscum.

D. Et cum spiritu tuo.

OREMUS.

Fidelium Deus, omnium Conditor et Redemptor, animabus famulorum famularumque tuarum remissionem cunctorum tribue peccatorum: ut indulgentiam, quam semper optaverunt, piis supplicationibus consequantur, qui vivis et regnas in sæcula sæculorum.

D. Amen.

R. Sub tuum præsidium.

D. Confugimus, etc.

Denique fit aspersio.

Asperge te, mi discipule, et lectum aquâ lustrali, in eumque velut in tumultum ingrediens, dic:

In manus tuas, Domine, commendo spiritum meum: redemisti me Domine Deus veritatis.

Incumbens pudicè dextero latere

decussatis ante pectus manibus , recita hanc orationem :

Piissime , dulcissime , castissime Jesu , fac me ut discipulum quem diligebas , requiescere super pectus tuum , da mihi trahere anhelitum meum de sacro et mellifluo corde tuo : da , ut singulæ respirationes meæ hâc nocte tibi laudem et honorem exhibeant , ut amem te , et glorificem te in æternum. Amen.

In nomine Patris , et Filii , et Spiritûs sancti. Amen.

Indormi cogitationi piæ : memorare novissima tua et in æternum non peccabis. Eccl. 7.

Cùm noctu evigilas , Jesum cogita , Mariam invoca.

Jesus ! Maria ! ô Mors ! ô Judicium ! ô Inferne ! ô Cœlum ! ô Æternitas !

Paucis descripta litteris , sæcula quàm immensa circumscribis !

PRECES

PRO

SACRIFICIO MISSÆ.

VENI sancte Spiritus, reple tuorum corda fidelium, et tui amoris in eis ignem accende, qui per diversitatem linguarum cunctarum gentes in unitate fidei congregasti.
 ✠. Emitte Spiritum tuum et creantur.

R̃. Et renovabis faciem terræ.

OREMUS.

Deus, qui corda fidelium sancti Spiritûs illustratione docuisti: da nobis in eodem Spiritu recta sapere, et de ejus semper consolatione gaudere. Per Christum Dominum nostrum. Amen.

*Oratio quâ intentio fit audiendæ
 Missæ.*

Domine Deus, ad cujus imaginem creatus sum, da mihi gratiam ut

divino Sacrificio, quâ par est reverentiâ, et devotione intersim, illudque unâ cum Sacerdote divinæ Majestati tuæ gratiosè offeram. 1. Ad majorem nominis tui honorem et gloriam, cui soli hoc Sacrificium debetur. 2. In memoriam passionis et mortis tuæ, quam ad hujus Sacrificii usum fieri præcepisti. 3. In gratiarum actionem pro omnibus mihi collatis beneficiis. 4. In satisfactionem mearum culparum ac poenarum, quas sanctissimo Sanguini tuo in hoc Sacrificio immergo. 5. Ad impetrandam gratiam tuam, et opem in re istâ N. 6. Pro charissimis Parentibus, Amicis, et Benefactoribus meis, maximè istis NN. pro fidelibus defunctis. potissimùm istis NN. Placeat tibi, Domine, hæc intentio mea, et exaudi me. Per Christum Dominum nostrum. Amen.

Dic deindè cum Sacerdote et Ministro :

S. Introibo ad altare Dei.

M. Ad Deum, qui lætificat juventutem meam.

S. Judica me, Deus, et discerne causam meam de gente non sancta,

ab homine iniquo et doloso erue me.

M. Quia tu es Deus fortitudo mea, quare me repulisti, et quare tristis incedo, dum affligit me inimicus.

S. Emitte lucem tuam et veritatem tuam : ipsa me deduxerunt et adduxerunt in montem sanctum tuum, et in tabernacula tua.

M. Et introibo ad Altare Dei : ad Deum qui lætificat juventutem meam.

S. Confitebor tibi in cithara Deus, Deus meus, quare tristis es anima mea, et quare conturbas me ?

M. Spera in Deo, quoniam adhuc confitebor illi salutare vultûs mei et Deus meus.

S. Gloria Patri, etc.

M. Sicut erat, etc.

S. Introibo ad Altare Dei.

M. Ad Deum, etc.

S. Adjutorium nostrum in nomine Domini.

M. Qui fecit cœlum et terram.

S. Confiteor Deo, etc.

M. Misereatur tui omnipotens Deus, et dimissis peccatis tuis perducatur te ad vitam æternam.

S. Amen.

M. Confiteor Deo omnipotenti, beatae Mariæ semper Virgini, beato Michaëli Archangelo, beato Joanni Baptistæ, sanctis Apostolis Petro et Paulo, omnibus Sanctis, et tibi Pater : quia peccavi nimis cogitatione, verbo et opere, meâ culpâ, meâ culpâ, meâ maximâ culpâ: ideò preëor beatam Mariam semper Virginem, beatum Michaëlem Archangelum, beatum Joannem Baptistam, sanctos Apostolos, Petrum et Paulum, omnes Sanctos, et te Pater, orare pro me ad Dominum Deum nostrum.

S. Misereatur vestri, etc.

M. Amen.

S. Indulgentiam, absolutionem, et remissionem peccatorum nostrorum tribuat nobis omnipotens et misericors Dominus.

M. Amen.

S. Deus, tu conversus vivificabis nos.

M. Et plebs tua lætabitur in te.

S. Ostende nobis, Domine, misericordiam tuam.

M. Et salutare tuum da nobis.

S. Domine, exaudi orationem meam.

A. Et clamor meus ad te veniat.

Preces pro

AD INTROITUM.

benedicta sit sancta Trinitas, at-
indivisa unitas : confitebimur
uia fecit nobiscum misericordiam
1.

Gloria Patri qui creavit nos. Glo-
Filio qui redemit nos. Gloria
tui sancto qui sanctificavit nos.
ia summæ et individuæ Trinitati,
nostro in sæcula sæculorum.

n.

S. Kyrie eleïson.

M. Kyrie eleïson.

S. Kyrie eleïson.

M. Christe eleïson.

S. Christe eleïson.

M. Christe eleïson.

S. Kyrie eleïson.

M. Kyrie eleïson.

S. Kyrie eleïson.

*de hîc simul dic, quod verba
icant; Domine miserere, Christe
ere, et dolorem excita. Dic pos-
um Sacerdote :*

Gloria in excelsis Deo. Et in terra
ominibus bonæ voluntatis. Lau-
s te, benedicimus te, adoramus
lorificamus te. Gratias agimus
tibi

tibi propter magnam gloriam tuam, Domine Deus, Rex cœlestis, Deus Pater omnipotens. Domine Fili unigenitè Jesu Christe. Domine Deus, agnus Dei, Filius Patris. Qui tollis peccata mundi, miserere nobis. Qui tollis peccata mundi, suscipe deprecationem nostram. Qui sedes ad dexteram Patris, miserere nobis. Quoniam tu solus sanctus, tu solus Dominus, tu solus altissimus, Jesu-Christe, cum sancto Spiritu, in gloria Dei Patris. Amen.

*Ad Collectam, Epistolam et
Graduale.*

Exaudi, Deus, preces Ecclesiæ tuæ sanctæ, tibi in nomine dilectissimi Filii tui Domini nostri Jesu-Christi humiliter supplicantis, ut tuam nobis dexteram porrigas, quæ omnia mala avertat, et in tua nos gratia confirmet. Amen.

Actus Fidei.

Credo, Domine Deus, quicquid per Scripturam unigenitumque Filium tuum Dominum nostrum Jesum-Christum et SS. Apostolos revelasti, mihi per Ecclesiam, quæ columna

G

est, et firmamentum veritatis, credendum proposuisti. In hac catholica Fide per tuam gratiam vivere et mori statuo. Amen.

Actus Spei.

In te, benignissime Pater, Pater misericordiarum, et Deus totius consolationis, omnem spem meam ac fiduciam repono. Magna quidem et multa sunt delicta mea; tua tamen infinities major est bonitas, quæ non vult mortem peccatoris, sed ut convertatur, et vivat: hanc tuam immensam bonitate fretus, remissionem omnium meorum peccatorum et vitam æternam me consecuturum planè confido.

Actus Charitatis.

Quis te non amet, amantissime Deus, qui in charitate perpetua dilexisti nos, Filiumque tuum unigenitum dedisti pro nobis? Quando, mi Deus, veniam et apparebo ante faciem tuam, cupitisque complexibus tuis æternum fruar!

AD EVANGELIUM.

*Vel attende ad Sacerdotem, si illum
potes intelligere, vel recita quæ
sequuntur.*

Domine Jesu, qui ex voluntate
Patris tui lætum mundo Evangelium
annuntiasti, da gratiam, ut illud
intellectu percipiam, voluntate am-
plectar, memoriâ conservem, opere
compleam: et gregi electarum ovium
tuarum, quæ vocem tuam audiunt,
ita hîc associer, ut eidem in novis-
simo die ad dexteram tuam conjunc-
tus audire merear: Venite bene-
dicti!

AD CREDO.

Credo in: unum Deum, Patrem
omnipotentem, factorem cœli et terræ,
visibilium omnium et invisibilium.
Et in unum Dominum Jesum Chris-
tum Filium Dei unigenitum, et ex
patre natum ante omnia sæcula.
Deum de Deo, lumen de lumine,
Deum verum de Deo vero, geni-
tum non factum, consubstantialem
Patri, per quem omnia facta sunt.

Qui propter nos homines et propter
nostram salutem descendit de cœlis.
Et incarnatus est de Spiritu sancto,
ex Maria Virgine. Et homo factus
est. Crucifixus etiam pro nobis,
sub Pontio Pilato, passus et sepul-
tus est. Et resurrexit tertiâ die se-
cundum Scripturas. Et ascendit in
cœlum, sedet ad dexteram Patris.
Et iterum venturus est cum gloria
judicare vivos et mortuos: cujus
regni non erit finis. Et in Spiritum
sanctum Dominum, et vivificantem:
qui ex Patre, Filioque procedit.
Qui cum Patre et Filio simul ado-
ratur et conglorificatur. Qui locu-
tus est per Prophetas. Et unam
sanctam Catholicam et Apostolicam
Ecclesiam. Confiteor unum Baptisma
in remissionem peccatorum. Et ex-
pecto resurrectionem mortuorum.
Et vitam venturi sæculi. Amen.

AD OFFERTORIUM.

O Pater æterne! qui sanctissimum
hoc novæ legis sacrificium, quo
unigenitus filius tibi offerretur, in-
stitui voluisti, hunc et ego divinæ
Majestati tuæ, meque in ejusdem

unione offero cum omnibus, quæ à tua bonitate mihi sunt concessa : respice in me, et miserere mei. Amen.

AD ORATE FRATRES.

Suscipiat Dominus Sacrificium de manibus tuis, ad laudem et gloriam nominis sui, ad utilitatem quoque nostram, totiusque Ecclesiæ suæ sanctæ.

Repete hic, si libet : Veni sancte Spiritus, etc. pag. 28.

AD PRÆFATIONEM.

Sursum corda : habemus ad Dominum : gratias agamus Domino Deo nostro : dignum et justum est. Verè dignum et justum est, æquum et salutare, nos tibi semper et ubique gratias agere : Domine sancte, Pater omnipotens, æternæ Deum, per Christum Dominum nostrum : per quem Majestatem tuam laudant Angeli, adorant Dominationes, tremunt Potestates, cœli cœlorumque virtutes, ac beata Seraphim, sociâ exultatione concelebrant. Cum quibus et nostras voces ut admitti ju-

beas deprecamur, supplici confessione dicentes: Sanctus, Sanctus, Sanctus, Dominus Deus Sabaoth. Pleni sunt cœli et terra gloriâ tuâ: Hosanna in excelsis. Benedictus, qui venit in nomine Domini: Hosanna in excelsis.

Oratio ad memento, seu ad Memoriam pro Vivis.

Memento, quæsumus Domine, per passionem et mortem dilectissimi filii tui Domini nostri Jesu Christi in primis Ecclesiæ tuæ sanctæ, eamque ceu sponsam ejusdem filii tui protege, sanctifica et exalta: præsides ac ministros ipsius Spiritu sancto reple, ut omnes illorum doctrinâ et exemplo proficiant ad majorem nominis tui gloriam.

Memento etiam, Domine, Parentum meorum, fratrum, sororum et amicorum NN. omniumque, pro quibus orare teneor, et tu me vis orare. Da his omnibus uberem in præsentī vita gratiam et gloriam in futura.

AD ELEVATIONEM.

***Dic Orationem sancti Thomæ
Aquinatis.***

Adoro te devotè, latens Deitas;
Quæ sub his figuris verè latitas:
Tibi se cor meum totum subjicit;
Quia te contemplans totum deficit.
Visus, gustus, tactus in te fal-
litur;

Sed auditu solo tutò creditur.
Credo quidquid dixit Dei filius,
Nil hoc verbo veritatis verius.
In cruce latebat sola Deitas,
Sec hìc latet simul et humanitas.
Ambo tamen credens atque confi-
tens,

Peto, quod petivit Lætro pernitens.
Plagas sicut Thomas non intueor:
Deus tamen meum te confiteor:
Fac me tibi semper magis credere;
In te spem habere, te diligere.
O memoriale mortis Domini!
Panis vivus vitam præstans homini,
Præsta meæ menti de te vivere,
Teque illi semper dulcè sapere.
Pie Pellicane, Jesu Domine.
Me immundum munda tuo sanguine;

Cujus una stilla saluum facere,
Totum mundum potest omni scelere.
Jesu, quem velatum nunc aspicio,
Quando fiet istud, quod jam sitio,
Ut te revelatâ cernens facie,
Visu sim beatus tuæ gloriæ?

Post ELEVATIONEM Calicis.

Domine Jesu Christe, verè tu
es Deus absconditus, quem sub pa-
nis et vini speciebus modò adoravi.
Ne sinas, obsecro, ut pretiosus ille
Sanguis tuus pro me frustra olim
in ara crucis sit effusus; sed per
passionem et mortem tuam in nu-
merum electorum tuorum admitti;
et te revelatâ facie æternùm aspi-
cere et amplecti merear. Amen.

Ad MEMENTO pro Defunctis.

Memento etiam, Domine, famu-
lorum, famularumque tuarum, N.
et N. qui nos præcesserunt cum
signo fidei, et dormiunt in sancta
pace.

Ipsis, Domine, et omnibus in
Christo quiescentibus locum refri-
gerii, lucis et pacis, ut indulgeas,

deprecamur. Per eundem Christum Dominum nostrum. Amen.

Nobis quoque peccatoribus famulis tuis de multitudine miserationum tuarum sperantibus, partem aliquam et societatem donare digneris cum tuis Sanctis NN. Intra quorum nos consortium non æstimator meriti, sed veniæ quæ sumus largitor admitte. Per Christum Dominum nostrum. Amen.

AD ORATIONEM DOMINICAM.

Recita cum Sacerdote : Pater noster.

Perge cum eodem Sacerdote :

Libera nos, quæsumus Domine, ab omnibus malis, præteritis, præsentibus, et futuris : et intercedente beatâ et gloriosâ semper Virgine Dei Genitrice Mariâ, cum beatissimis Apostolis tuis Petro et Paulo, atque Andreâ, et omnibus Sanctis, da propitius pacem in diebus nostris : ut ope misericordiæ tuæ adjuti et à peccatis simus semper liberi, et ab omni perturbatione securi. Per eundem Dominum nostrum, etc.

Pax Domini sit semper nobiscum.
Amen.

Agnus Dei , qui tollis peccata mundi , miserere nobis , etc.

*Præparatio ad Communionem
spiritualem.*

Domine Jesu Christe , Fili Dei vivi , qui ex voluntate Patris cooperante Spiritu sancto per mortem tuam mundum vivificasti : libera me per hoc sacrosanctum Corpus et Sanguinem tuum , ab omnibus iniquitatibus meis , et universis malis : et fac me tuis semper inhærere mandatis , et à te nunquam separari permittas : qui cum eodem Deo Patre , et Spiritu sancto vivis et regnas Deus in sæcula sæculorum.

Perceptio Corporis tui , Domine Jesu Christe , quod ego indignus spiritualiter sumere præsumo , non mihi proveniat in judicium et condemnationem : sed pro tua pietate prosit mihi ad tutamentum mentis et corporis , et ad medelam percipiendam. Qui vivis , etc.

Dic deinde ter cum Sacerdote :

Domine , non sum dignus , ut

intres sub tectum meum, sed tantum dic verbo, et sanabitur anima mea, etc.

Hic recogita communicare cum Sacerdote, et dic :

Corpus Domini nostri Jesu Christi custodiat animam meam in vitam æternam. Amen.

Sic Christum quasi præsentem complecteris, et dic :

Inveni, quem diligit anima mea; tenui eum, nec dimittam.

O Sacrum Convivium, in quo Christus sumitur, recolitur memoria Passionis ejus, mens impletur gratiâ, et futuræ gloriæ nobis pignus datur.

Brevis et pia Oratio S. Ignatii.

Anima Christi, sanctifica me.
Corpus Christi, salva me.
Sanguis Christi, inebria me.
Aqua lateris Christi, lava me.
Passio Christi, conforta me.
O bone Jesu, exaudi me.

Intra Vulnere tua absconde me.
Ne permittas me separari à te.
Ab hoste maligno defende me.
In hora mortis meæ voca me.
Et jube me venire ad te.
Ut cum Sanctis tuis laudem te.
In sæcula sæculorum. Amen.

AD COLLECTAS.

Gratias ago tibi, Domine Jesu,
quòd me hujus tui sanctissimi Sa-
crificii participem fecisti, quo ama-
rissimæ passionis ac mortis tuæ me-
moriam innovavi. Fac, oro, ut ejus-
dem Mysterii virtute, et operatione
in fide, spe, et charitate perse-
verem, vitamque æternam consequar.
Amen.

OBLATIO.

Placeat tibi, sancta Trinitas, ob-
sequium servitutis meæ, et præsta,
ut sacrificium, quod oculus tuæ
Majestatis cum Sacerdote indignus
obtuli, tibi sit acceptabile, mihi-
que et omnibus, pro quibus illud
obtuli, sit, te miserante, propitia-
bile. Per Christum Dominum nos-
trum. Amen.

AD BENEDICTIONEM.

Benedicat nos omnipotens Deus ,
✠ Pater, et Filius , et Spiritus sanc-
tus. Amen.

*Initium sancti Evangelii secundum
Joannem.*

In principio erat Verbum , et Ver-
bum erat apud Deum : et Deus erat
Verbum. Hoc erat in principio apud
Deum. Omnia per ipsum facta sunt, et
sine ipso factum est nihil, quod factum
est. In ipso vita erat, et vita erat
lux hominum, et lux in tenebris
lucet, et tenebræ eam non compre-
henderunt. Fuit homo missus à Deo,
cui nomen erat Joannes. Hic ve-
nit in testimonium, ut testimonium
perhiberet de lumine : ut omnes
crederent per illum. Non erat ille
lux, sed ut testimonium perhiberet
de lumine. Erat lux vera, quæ illumi-
nat omnem hominem venientem in
hunc mundum. In mundo erat, et
mundus per ipsum factus est : et mun-
dus eum non cognovit. In propria
venit : et sui eum non receperunt.
Quotquot autem receperunt eum,
dedit eis potestatem filios Dei fieri :

45 *Preces pro Sacrif. Missæ.*

his, qui credunt in nomine ejus. Qui non ex sanguinibus, neque ex voluntate carnis, neque ex voluntate viri: sed ex Deo nati sunt. *Et Verbum Caro factum est*: et habitavit in nobis, vidimus gloriam ejus; gloriam quasi unigeniti à Patre, plenum gratiæ et veritatis.

Precatio pia post Missam.

MISERICORDISSIME Domine, qui nos miseros mortales non dedignatus es, etiam in hac hora stare in conspectu tuo ad te glorificandum pariter ac prædicandum: condona mihi in ipso precationis hujus tempore commissa errata, sive per occupationem, sive per mentis atque cogitationis in absurda desideria inductionem, ne glorietur inimicus adversum me, quòd ne in ipso quidem tempore Doxologiæ, Confessionis, atque Synaxeos, à peccato mihi caverim. Amen.

Laudate Dominum omnes gentes: laudate eum omnes populi.

Quoniam confirmata est super nos misericordia ejus: et veritas Domini manet in æternum.

EXAMEN

SEU

CATALOGUS PECCATORUM ,

PRO CONFESSIOE GENERALI.

N. B. *Circa peccata gravia et numerum , quantum fieri potest , et circumstantiæ notabiliter aggravantes , aut speciem malitiæ mutantibus necessario explicanda sunt. Nec reticendum est , si alios ad flagitia seduxerimus , vel scandalum dederimus.*

I. PRÆCEPTUM

DECALOGI.

Ego sum Dominus Deus tuus , non habebis deos alienos coram me , nec facies tibi sculptile , ut adores illud.

FECI toties Confessiones sacrilegas , omittendo voluntariè unum , vel

plura gravia peccata, vel non eliciendo dolorem et propositum seriò me emendandi. In tali statu *toties*.... Communione frequenter.

Dubitavi de aliquo fidei articulo advertenter et voluntariè, nec restiti *toties*.

Legi libros hæreticos, supersticiosos, prohibitos etc. Dedi eosdem *tot* aliis legendos....

Gravibus superstitionibus fidem adhibui, iis usus sum, et alios in easdem induxi....

Desperavi de emendatione vitæ, vel impetranda peccatorum meorum venia... Confessionem diu distuli, etiam in vitæ periculo constitutus. Murmuravi contra Deum, vel eundem blasphemavi.

In imprecationibus Sacramenta, et vulnera Christi nominavi.

Complacentiam habui in *tali* peccato commisso.... et de illo gloriatus sum...

Superbivi de donis gratiæ et naturæ, eaque meis meritis, non divinæ gratiæ attribui.

II. PRÆCEPTUM.

*Non assumes Nomen Domini
Dei tui in vanum.*

JURAVI falsum (vel dubitans de veritate) per Deum, vel animam, etc.

Cum juramento promisi me malum grave facturum animo servandi....
*hoc verò juramentum non tenemur,
nec debemus servare.*

Rem licitam juravi animo non servandi...

Assertavi falsum cum impreca-
tione, v. g. Deus me puniat, non
fiam salvus, diabolus me auferat,
non discedam ex hoc loco, etc.
*maxime cavendæ sunt formulæ hu-
jusmodi. Quàm verè Deus vivit, etc.*

Votum hoc feci, et non servavi..

Verba sacra ad facetias et inho-
nesta applicavi..

Nomen Domini sine reverentia
nominavi....

III. PRÆCEPTUM.

*Memento ut diem Sabbati
Sanctifies.*

MISSAM die Dominico vel Festo non audiui cū possem, vel notabilem illius partem neglexi, veniendo post Evangelium. In eadem multum fabulatus sum.... Aut meā culpā fui diu distractus... alios quoque in illa turbavi.

Ecclesiastici et Religiosi hic circa Horas canonicas esse examinent, et considerent, ad quam restitutionem quisque obligetur.

Feci opera servilia diebus Dominicis vel Festis... vel hos dies lusus, conviviiis, computationibus, pravis colloquiis, occupationibus lucrosis, aut profanis, cum neglectu concionum, etc. transegi, vel per meos ejusmodi reslieri permisi...

N. B. *Divini hujus et Ecclesiæ præcepti finis est, non solum abstinere à servili opere, otioque, aut insolentiis, aut aliis occupa-*

tionibus diem transigere, sed illum religiosè Deo impendere.

IV. PRÆCEPTUM.

Honora Patrem tuum et Matrem tuam, ut sis longævus super terram.

PARENTES, aut superiores graviter offendi *tali modo*.... v. g. illos læsi, vel execratus sum, vel mortem optavi: In rebus decentibus me iis opposui, detraxi, etc.

Non subveni parentibus in necessitate cùm possem. Testamentum illorum, et ultimam voluntatem non sum executus....

Videant parentes, an è contrariò liberos ad iracundiam provocaverint, hos aut domesticos suos in rebus divinis impediverint, etc.

V. PRÆCEPTUM.

Non Occides.

ODIO gravi aliquem sum persecutus *tam diu*, vulneravi, aut ali-

H 2

ter læsi, vel id facere optavi, non me conciliaui dum ad Sacramenta Confessionis et Communionis irem.

Optavi aliis mortem, vel damnum; aut gavisus sum, dum mors aut malum illis eveniret.

De bono illorum dolui.

Affeci alios injuriâ, calumniis, contumeliis, etc. Suscitavi inter illos per susurrationem aut similes modos, discordias.

Miseris in extrema necessitate, cùm possem, non subveni.

VI. ET X. PRÆCEPTUM.

Non mœchaberis : Non concupisces Uxorem proximi tui.

QUI in statu Conjugali degunt, examinent se, an re aut modo contra hujus status decentiam deliquerint. Non enim conjunguntur Christiani, sicut gentes, quæ ignorant Deum. Tob. 8. 6. Filii quippe Sanctorum sunt.

Cogitationibus lascivis voluntariè inhæsi, iisque me oblectavi, cum desiderio peccandi circa personas

liberas, vel conjugatas, vel, etc. *toties.*

Osculis, aspectu, vel impuro contactu *hâc vel illâ ratione*, mecum vel cum aliis peccavi, *toties.*

Verbis, cantilenis, libris impuris sum usus, aliosque seduxi.

Munusculis, blanditiis, etc. ad peccandum conatus sum allicere.

In consuetudine talium peccatorum hæsi, *tamdiu.*

Quæ præterea circa hanc materiam committi possunt, cuilibet conscientia dictabit, omnia verò, clarè, breviter, et verecundè aperienda sunt tamquam gravissima, ut plurimum, animæ vulnera.

VII. ET IX. PRÆCEPTUM.

Non furtum facies : Non concupisces domum, non agrum, etc.

PROXIMO per furtum, fraudem, vel alium illicitum modum, grave damnum intuli, *tanti pretii* nondum restitui, cum possem.

Volui damnum alii inferre, effectu tamen ob defectum occasionis

non secuto. *Vel*, Concupivi res alienas. Lucrum aliorum impediui.

Chartarum vel alearum lusu, potationibus, otio, aliisque similibus modis facultates proprias, parentum, prolium, etc. inutiliter consumpsi.

Injustas lites et processus suscitavi vel fovi.

Simoniacè comporavi mihi vel aliis beneficia Ecclesiastica *tot...* tali *viâ...* Proventus juxta natum, neglectâ horarum recitatione, non restitui Ecclesiæ, nec in pauperes distribui...

Res inventas non restitui, cùm possem: Nec in usus pios illas converti....

Usuras illicitas *tales* exercui....

Debita persolvere distuli, neglexi, nolui.

N. B. *Bene considerata est sententia S. Augustin. Tom. 2. Epist. 54. ad Maced. post. med.* Si res aliena, propter quam peccatum est, cum reddi possit, non redditur; non agitur pœnitentia, sed fingitur. Non remittitur peccatum, nisi restituatur ablatum.

VIII. PRÆCEPTUM.

*Non loqueris contra proximum
tuum falsum testimonium.*

MENTITUS sum cum damno proximi, gravi vel levi, in judicio vel extra illud, *vel* leviter, officiosè ex consuetudine sum mentitus.

Detraxi graviter alienæ famæ, falsum crimen illi affingendo: vel occultum licèt verum, cum infamatione proximi detegendo; secretâ revelando, etc.

Temerè alios judicavi in re gravi, etc.

Detrahentibus aures et animum benevolum præbui, promovi illorum sermones, laudavi, et cum possem impedire, id non feci, etc. adulatus sum, etc.

N. B. *Tam ad restitutionem ablati honoris, quam fortunarum, quisque obligatur.*

Susurronem egi. *De quo crimine supra quoque facta est mentio, prætereundum illud non est, cum sit gravissimum, et hoc tempore usita-*

tissimnm. De quo Eccli. 28. 16. Surrro et bilinguis maledictus.

Tametsi pleraque peccata hic insinuata sunt : juvabit tamen ne quid notabile prætereas , percurrere quinque Ecclesiæ præcepta. VII. Peccata Capitalia. VI. Peccata in Spiritum sanctum. IV. In cœlum clamantia. IX. Aliena. Quæ proinde subijcimus.

Quinque Præcepta Ecclesiæ.

S1. STATUTOS Ecclesiæ Festos dies celebrato. 2. Sacrum Missæ officium diebus Festis reverenter audito. 3. Indicta certis diebus Jejunia , et à quibusdam cibis abstinentioniam observato. 4. Peccata tua Sacerdoti proprio , aut alteri cum ejus facultate , singulis annis confitetur. 5. Sacro-sanctam Eucharistiam ad minimum semel in anno , idque circa Festum Paschæ sumito.

N. B. Anno 21. ætatis completo, tenetur quilibet ad Jejunium Ecclesiasticum in Quadragesima, Vigiliis Quatuor anni Temporibus etc. nisi aliundè excusetur.

Septem Peccata Capitalia.

1. **S**UPERBIA. 2. AVARITIA. 3. LUXURIA. 4. INVIDIA. 5. GULA. 6. IRA. 7. ACCEDIA.

Quædam Superbiæ peccata enumerata sunt circa I. Præceptum pag. 47. Avaritiæ circa VII. Præcept. pag. 53. Luxuriæ circa VI. et IX. Præcept. Invidiæ et Iræ circa V. Præcept. Si quid ibi præteritum, hic supple, simulque indaga in Gulæ vitia, ebrietatem, intemperantiam in cibo, uti et in Accediam, etc.

Sex Peccata in Spiritum sanctum.

1. **P**RÆSUMPTIO de misericordia Dei, vel de impunitate peccati.
 2. Desperatio.
 3. Agnitæ veritatis impugnatio.
 4. Fraternæ charitatis invidentia.
 5. Obstinatio.
 6. Impœnitentia.

*Quatuor peccata in cœlum
clamantia.*

1. **H**OMICIDIUM voluntarium. 2. Peccatum sodomiticum. 3. Oppressio pauperum, viduarum, atque pupillorum. 4. Merces operariorum defraudata.

*Novem peccata aliena quæ
committuntur.*

1. **C**ONSILIO. 2. Jussione. 3. Consensu. 4. Irritatione. 5. Laudatione. 6. Reticientiâ. 7. Conniventiâ. 8. Rei alienæ Participatione. 9. Alieni peccati defensione.



ORATIONES PŒNITENTIALES

ANTE

CONFESSIONEM.

I. ORATIO

*Juxta exemplum S. Petri, quando
quis in peccata, quæ emen-
dare statuerat, rursus incidit.*

AD te, Domine Jesu, denuò sup-
plex revertor, qui peccando à te
toties discessi: quò enim ibo, nisi
ad te? si tu me repellis, quis me
suscipiet? si tu me condemnas, à
quo veniam sperabo? firmissime
quidem ante hac statui servare jus-
tificationes tuas; omniaque peccata,
potissimùm illa.... vitare; sed eheu!
instabilis factus sum, et concupis-
centiæ illecebris seductus, te iterum
dereliqui. Peccavi, quid faciam?

60 *Orationes pœnitentiales*

quò me convertam miser, nisi ad te, in quo est salus, vita, et resurrectio nostra? *Respice in me, Domine Jesu, quemadmodum in Petrum respexisti, et miserere mei. Utinam dolorem cordis mei tot lacrymis quot ille, contestari possem. In tua misericordia, mi Jesu, quæ major est, quàm mea sit iniquitas, spem omnem pono. Plus tu potes dimittere, quàm ego committere. Ne projicias me à facie tua. Dic animæ meæ: Salus tua ego sum. Ps. 34. 5.*

II. ORATIO.

*Juxta exemplum S. Mariæ
Magdalene. Luc. 7.*

Quis dabit capiti meo aquam, et oculis meis fontem lacrymarum, ut plorem die ac nocte peccata mea, quibus te amantissime Jesu, toties ad iram provocavi! ad pedes tuos cum Magdalena provolvor, eosque ex animo amplector et exosculor, tuam supplex misericordiam implo-

rans. Parce , Domine , parce peccatis meis : quæ utinam tam largo lacrymarum imbree . quàm peccatrix illa , possem eluere ! horum defectum , mi Jesu , roseo tuo , quem pro me copiosissimè sudisti , sanguine compensa . A pedibus tuis non discedam : hos firmiter tenebo tamquam salutis meæ anchoram , nec dimittam , donec benedixeris mihi ; et audiam illa summæ consolationis verba : *Remittuntur tibi peccata tua. Matth. 9. 2.*

III. ORATIO

Juxta exemplum Filii prodigi.
Luc. 15.

PATER , peccavi in cœlum , et coram te , jam non sum dignus vocari filius tuus . Desideriis et concupiscentiis meis obtemperavi , te fidelissimo Patre contempto : Fodi mihi cisternas consolationum terrenarum : cisternas dissipatas , quæ continere non valent aquas , te fonte aquæ vivæ derelicto . Gaudium in creaturis quæsivi , quod in te solo inveniri potest . *Vcrè Non est pax*

62 *Orationes pœnitentiales*

impiis. Quare ad te redeo, ô benignissime Pater, cujus misericordiæ non est numerus, et bonitatis infinitus est thesaurus. Iterum exclamo: Pater, peccavi in cœlum, et coram te: redde mihi, obsecro, licet filii nomine indigno, gratiæ tuæ vestem, quam peccatis meis perdididi: restitue amoris tui annulum, quem amore creaturarum pessumdedit; ut hoc ornatu in cœna tua Eucharistica graciosus comparere merear, tibi que æternum coniungi. *Mihi enim adhærere Deo bonum est. Psalm. 72. 28.*

IV. ORATIO

Juxta exemplum Zachæi, ad restitutionem famæ, vel bonorum ablatorum.

CONFITEOR adversum me injustitiam meam tibi, Domine; iniquè egi, non modò contra divinæ Majestatis tuæ honorem, verum et proximi mei charitatem, quem ut diligerem sicut meipsum, præcepisti. Sæpè fateor, graviterque contra

hoc tuum præceptum peccavi : cupidus, heu ! nimium fui rerum temporalium, aliorum damno : nimis laudis propriæ appetens, aliorum contemptu quid tandem proderit mihi, si universum mundum lucratus fuero, animæ verò meæ detrimentum faciam ? quid ex mundi gloria mihi erit, si ad infernum descendam ? quid à cælo, quid à terra sperare possum, te *Deo meo* offenso ? Agnosco, Deus meus, inique me hactenus egisse, et in multis proximo injuriam intulisse : ignosce culpam agnoscenti in satisfactionem, et tuæ voluntatis adimplerionem, propono et statuo, te adjuvante, omnium damna à me sive in honore, sive in bonis proximo illata, quantum possum, resarcire, et aliquam insuper eleëmosynam elargiri. Aufer à me, quod hactenus fovi, cor lapideum, durum, et invidum ; et redde cor carneum, cor humanum, cor mite, tuæque benignitati conforme, ut et ego inter filios Abrahæ à te electos, recenseri merear. Tu enim *Veristi saluum facere, quod perierat. Luc. 19. 42.*

V. ORATIO

*Juxta exemplum Latronis in
Cruce, si quis pœnitentiam
distulerit.*

SERÒ ad te venio, ô Jesu cruci-
fixe! tempus est, ut me tibi con-
ciliem; quot enim juvenes aequè
ac senes mors intereà abstulit, dum
ego peccatis indulsi? an non et
ego unâ cum illis è medio tolli
æternumque damnari potuissem?
quid te, mi Jesu, movit, ut mihi
præ aliis parceres nisi bonitas tua
infinita? ne ergo me quæso nunc
à te repellas, nemo unquam seriò
pœnitens ad te serò nimis venit.
Latroni in Cruce ultimo vitæ arti-
culo condonasti, quidquid omnibus
vitæ suæ annis peccavit, eodemque
die in Paradisum recepisti. Per in-
signe hoc tuæ misericordiæ et cle-
mentię opus (te supplex cum eo-
dem latrone, utinam pari amoris
et doloris affectu) oro, ô Jesu Na-
zarene, miserere mei, et in tuam,
licet indignum, me gratiam recipe.
Fateor

Fateor amarissimæ tuæ Passionis ,
et Crucis causam esse delicta mea ,
quæ proinde ex animo nunc de-
testor cum firmissimo proposito ,
ea me deinceps cum tua gratia num-
quam repetiturum. Miserere mei ,
ô Jesu , miserere mei , qui *Mise-
reris omnium propter poenitentiam.*
Sap. 11. 24.

VI. ORATIO

Juxta parabolam ovis perditæ.
Lucæ 15.

ERAVI sicut ovis , quæ periit ,
Pastor bone , pie Jesu , quære ser-
vum tuum , et reduc me in viam
mandatorum tuorum. Tu enim
dixisti : Visitabo oves meas : quod
perierat , requiram ; et quod ab-
jectum erat , reducam ; quod con-
fractum , alligabo ; et quod infir-
mum , consolidabo. Aspice vulnera
peccatorum meorum , quorum non
est numerus , et sana ea. Tuis me
humeris licet indignum excipe ; et
adduc ad gregem electorum tuorum :
*Ibi Misericordias Domini in æternum
cantabo. Psalm. 88. 2.*

VII. ORATIO

Juxta parabolam incidentis in latrones. Luc. 10.

ME miserum ! qui ab Jerusalem in Jericho descendi : qui loco veræ pacis deserto fallaces mundi et carnis delectationes sectatus sum , et in manus infernalium latronum incidi , à quibus innocentiae veste spoliatus , et ad mortem animæ miserando spectaculo vulneratus sum ! Propitius in me oculos converte , ô pie Samaritane , et miserere mei in sanguine peccatorum meorum volutantis. Non est , qui possit aut velit misero mihi in hoc statu salutarem præbere manum præter te, Domine Jesu ; in te solo omnis vitæ spes est posita ; tu unicus es animæ meæ medicus ; huic , obsecro , amoris tui vinum et misericordiae oleum infunde , et induc in vulnus sacratissimi Lateris tui. *Hæc requies mea in sæculum sæculi : hic habitabo , quoniam eligi eam. Ps. 131. 14.*

VIII. ORATIO

Regis Manassis.

DOMINE omnipotens, importabilis est magnificentia gloriæ tuæ, et insustentabilis ira comminationis tuæ super peccatores: immensa verò, et investigabilis misericordia promissionis tuæ: quoniam tu es Dominus altissimus, benignus, longanimis, et multum misericors, et pœnitens super malitias hominum. Tu, Domine, secundum multitudinem bonitatis tuæ, promisisti pœnitentiam, et remissionem iis, qui peccaverunt tibi, et multitudine miserationum tuarum decrevisti pœnitentiam peccatoribus in salutem. Tu igitur, Domine Deus justorum, non posuisti pœnitentiam justis, Abraham, et Isaac, et Jacob, iis qui tibi non peccaverunt, sed posuisti pœnitentiam propter me peccatorem: quoniam peccavi super numerum arenæ maris: multiplicatæ sunt iniquitates meæ, et non sum dignus intueri, et aspicere altitudinem cœli præ multitudine iniquitatum mea-

68 *Orationes pœnitentiales*

rum. Et nunc flecto genu cordis mei, precans à te bonitatem. Peccavi, Domine, peccavi, et iniquitates meas agnosco. Quare peto, rogans te, remitte mihi, Domine, remitte mihi, et ne simul perdas me cum iniquitatibus meis, neque in æternum iratus, reserves mala mihi, neque damnes me in infima terræ loca, quia tu es Deus, Deus, inquam, pœnitentium; et in me ostendes omnem bonitatem tuam, quia indignum salvabis me secundum magnam misericordiam tuam, et laudabo te semper omnibus diebus vitæ meæ: quoniam te laudat omnis virtus cœlorum, et tibi est gloria in sæcula sæculorum. Amen.

IX. *Oratio Davidis pœnit. Psalm. 50. Miserere etc.*

X. *Oratio ad excitandum spem ex S. Aug. etc.*

Actus Contritionis.

UTINAM te, Domine, Deus meus, ex toto corde meo, ex tota anima

mea, et ex omnibus viribus meis super omnia (quod opto) diligam ! Utinam ipsum Seraphinorum amorem exæquem, in eoque æternum persistam ! Tu scis, Domine, quia amo te, magisque amare cupiam : quod millies malim mori, quam in talia... peccata relabi. O quàm doleo, quod te summum et amantissimum bonum meum umquam offenderim : Utinam (quod firmissimè tuâ fretus ope propono) te numquam vel minimo delicto offendam ! Tu enim omni amore, honore, et cultu dignus es, cujus sanctissimam voluntatem in omnibus exequi cupio. Amen.

In Sede Confessionali quamprimum Sacerdos ad te audiendum se inclinat, dic : Benedic Pater.

Acceptâ Benedictione, recita : Confiteor etc., vide pag. 15. usque ad meâ culpâ exclusivè.

Tunc indicato tempore ultimæ Confessionis, et an injunctam pœnitentiam expleveris, peccata tua recense. Conclude in hæc verba, meâ culpâ, meâ culpâ, etc. usque ad finem.

Pœnitentiam et admonitionem, quam Confessarius dederit, æmisso

animo excipe , doloremque pijs affectibus (sine tamen strepitu) excita ;

N. B. Dolor de peccatis ante Absolutionem necessario eliciendus est. Nam sine contritione aut attritione pœnitens non est capax Absolutionis.



PRECES

POST CONFESSIONEM.

ORATIO.

SIT tibi , Domine , obsecro , meritis Beatæ semper Virginis genetricis tuæ Mariæ , et omnium Sanctorum grata et accepta ista Confessio mea : et quidquid mihi defuit nunc et aliàs de sufficientia contritionis , de puritate , et integritate confessionis , suppleat pietas et misericordia tua : et secundum illam digneris me habere. plenius et perfectius absolutum in cœlo. Qui vivis et regnas in sæcula sæculorum. Amen.

Gratiarum actio post Confessionem, juxta exemplum Leprosi.
Luc. 17.

AD te, ô benignissime Jesu, re-
vertor; et gratias ago, quòd à fœ-
tidissima peccatorum meorum lepra
mundare me dignatus fueris. Sit No-
men tuum, ô Jesu, benedictum in
sæcula. Verè tu Jesus, hoc est, Sal-
vator es, qui neminem à te quem-
libet flagitiosum repellis, qui omnes
seriò. pœnitentes in gratiam recipis,
et in numerum filiorum tuorum
adscribis Misericordiæ tuæ viscera,
ô Jesu, agnosco et amplector, me-
que totum servitio tuo deinceps ad-
dico. Adjuva, obsecro, imbecilli-
tatem meam, ut numquam hujus
tui mihi præstiti beneficii oblitus
amore illius delectationis, aut præ-
posteræ affectus impulsus, in priora
peccata relabar, meque à te sepa-
rem. Cor et animam meam dilec-
tionis tuæ brachiis ita tecum con-
stringe, ut dicere cum Apostolo
audeam: *Quis me separabit à cha-
ritate Christi? Rom. 8. 35.*

*Alia præclara gratiarum actio post
Confessionem, per Ps. 102.*

BENEDIC anima mea Domino, * et omnia, quæ intra me sunt, Nomini sancto ejus.

Benedic anima mea Domino, * et noli oblivisci omnes retributiones ejus.

Qui propitiatur omnibus iniquitatibus tuis: * qui sanat omnes infirmitates tuas.

Qui redimit de interitu vitam tuam: * qui coronat te in misericordia et miserationibus.

Qui replet in bonis desiderium tuum: * renovabitur ut aquilæ juvenus tua.

Faciens misericordias Dominus, * et judicium omnibus injuriam patientibus.

Notas fecit vias suas Moysi, * filiis Israël voluntates suas.

Miserator, et misericors Dominus: * longanimis et multum misericors.

Non in perpetuum irascetur: * neque in æternum comminabitur.

Non secundum peccata nostra fecit nobis: * neque secundum iniquitates nostras retribuit nobis.

Quoniam secundum altitudinem Cœli à terra, * corroboravit misericordiam suam super timentes se.

Quantum distat ortus ab occidente: * longè fecit à nobis iniquitates nostras.

Quomodò miseretur pater filiorum, misertus est Dominus timentibus se: * quoniam ipse cognovit figmentum nostrum.

Recordatus est, quoniam pulvis sumus: * homo sicut fœnum dies ejus, tamquam flos agri sic efflorescit.

Quoniam spiritus pertransibit in illo, et non subsistet, * et non cognoscet ampliùs locum suum.

Misericordia autem Domini ab æterno, * et usque in æternum super timentes eum.

Et justitia illius in filios filiorum, his, * qui servant testamentum ejus.

Et memores sunt mandatorum ipsius, * ad faciendum ea.

Dominus in Cœlo paravit sedem suam, * et regnum ipsius omnibus dominabitur.

Benedicite Domino omnes. Angeli ejus, potentes virtute, facientes verbum illius, * ad audiendam vocem sermonum ejus.

Benedicite Domino omnes virtutes ejus : * ministri ejus qui facitis voluntatem ejus.

Benedicite Domino omnia opera ejus , in omni loco dominationis ejus : * benedic anima mea Domino.

Gloria Patri , etc.



PRECES

ANTE

S. COMMUNIONEM.

I. ORATIO.

AD mensam dulcissimi Convivii tui , pie Domine Jesu Christe , ego peccator de propriis meritis nihil præsumens , sed de tua confidens misericordia et bonitate accedere vereor et contremisco. Nam cor et corpus habeo multis criminibus maculatum : mentem et linguam non cautè custoditam. Ergo , ô pia Deitas , ô tremenda Majestas , ego

miser inter angustias deprehensus, ad te fontem misericordiæ recurro: ad te festino sanandus: sub tuam protectionem fugio, et quem judicem sustinere nequeo, Salvatorem habere suspiro. Tibi, Domine, plagas meas ostendo: tibi verecundiam meam detego. Scio peccata mea multa et magna, pro quibus timeo. Spero in misericordias tuas, quarum non est numerus. Respice in me oculis misericordiæ tuæ, Domine, Jesu Christe, Rex æterne, Deus et Homo, crucifixus propter hominem. Exaudi me sperantem in te: et miserere mei pleni miseriis et peccatis, tu qui fontem miserationis numquam manare cessabis. Salve salutaris victima, pro me et omni humano genere in patibulo Crucis oblata. Salve, nobilis et pretiose Sanguis, de Vulneribus crucifixi Domini mei Jesu Christi profluens, et peccata totius mundi abluens. Recordare, Domine, creaturæ tuæ, quam tuo Sanguine redemisti. Pœnitet me peccasse: cupio emendare quod feci. Aufer ergo à me, clementissime Pater, omnes iniquitates et peccata mea; ut purificatus mente et corpore,

dignè degustare merear Sancta Sanctorum : et concede, ut sancta prælibatio Corporis et Sanguinis tui, quam ego indignus sumere intendo, sit peccatorum meorum remissio, sit delictorum perfecta purgationum effusio, bonorumque sensuum regeneratio, operumque tibi placentium salubris efficacia, animæ quoque et corporis contra inimicorum meorum insidias firmissima tuitio. Amen.

II. ORATIO

S. Thomæ Aquinatis.

OMNIPOTENS sempiterne Deus, ecce accedo ad Sacramentum unigeniti Filii tui Domini nostri Jesu Christi. Accedo tamquam infirmus ad medicum vitæ : immundus ad fontem misericordiæ : cæcus ad lumen claritatis æternæ : pauper et egenus ad Dominum Cœli et terræ. Rogo ergo immensæ largitatis tuæ abundantiam, quatenus meam curare digneris infirmitatem, lavare sceditatem, illuminare cæcitatem, ditare paupertatem, vestire nuditatem, ut Panem Angelorum, Regem

Regum , et Dominum Dominantium , tantâ suscipiam reverentiâ et humilitate , tantâ contritione et devotione , tantâ puritate et fide , tali proposito et intentione , sicut expedit salutî animæ meæ. Da mihi , quæso , Dominici Corporis et Sanguinis non solum suscipere Sacramentum , sed etiam rem et virtutem Sacramenti. O mitissime Deus , da mihi Corpus unigeniti Filii tui Domini nostri Jesu Christi , quod traxit de Virgine Maria , sic suscipere , ut Corpori suo mystico merear incorporari , et inter ejus membra connumerari. O amantissime Pater , concede mihi dilectum Filium tuum , quem nunc velatum in via suscipere propono , revelatâ tandem facie perpetuò contemplari. Qui tecum vivit et regnat in unitate Spiritûs sancti Deus , per omnia sæcula sæculorum. Amen.

TRIA AMORIS

*Ad Jesum suspiria ante S.
Communionem.*

I.

ACCENDE, ô Jesu, igne amoris tui cor meum (quod tibi in holocaustum offero) omnesque terreni amoris flammæ extingue : ut nihil in mundo mihi placeat præter te. In amore tuo vivere cupio, et mori exopto.

II.

Vox tua, mi Jesu, est : Venite ad me omnes, qui laboratis, et onerati estis, et ego reficiam vos. Expansis in Cruce brachiis me expectas. En venio, ô Jesu ! admitte me, obsecro, æternumque in amoris tui complexu ibi conjunctus permaneam.

III.

PRÆCIPITUR mihi ne appaream in conspectu tuo vacuus. Sed quid dabo tibi, mi Jesu ? Accipe tuæ bonitatis

dona , animæ meæ facultates , quas tibi in obsequium offero , memoriam , intellectum , voluntatem. Tui solius meminerim , nihil sciam extra te , nihil præter te amem , nec in ulla re mea , sed tua sola voluntas fiat. Amen.

Dum jam ad Sacramentum accedere paras , in comitatum tuum invita B. Virginem , Angelum Tutelarem , S. Josephum , aliosque sanctos Patronos tuos in hunc et similem modum.

ORATIO

In accessu ad S. Communionem.

ADESTE , ô Beatissima Virgo , unâ cum Conjuge tuo S. Josepho , tuque , ô Angele Custos , et vos præ cæteris mihi dilecti Patroni N. N. latus meum stipate , viamque ad mensam Domini mihi parate.

Plura ab iis petenda suggeret devotio.



PRECES

POST

S. COMMUNIONEM.

I. ORATIO

*S. Thomæ Aquinatis post
S. Communionem.*

GRATIAS tibi ago, Domine sancte, Pater omnipotens, æterne Deus, qui me peccatorem indignum famulum tuum nullis meis meritis, sed solâ dignatione misericordiæ tuæ satiare dignatus es pretioso Corpore et Sanguine Filii tui Domini nostri Jesu Christi. Te deprecor, ut hæc sancta Communio non sit mihi reatus ad pœnam, sed intercessio salutaris ad veniam. Sit mihi armatura fidei, et scutum bonæ voluntatis. Sit vitiorum meorum evacuatio, concupiscentiæ et libidinis ex-terminatio:

terminatio : charitatis et patientiæ ,
humilitatis et obedientiæ argumen-
tatio : contra insidias inimicorum
omnium , tam visibilium , quàm in-
visibilium firma defensio , motuum
meorum , tam carnalium quàm spi-
ritualium , perfecta quietatio , in te
uno ac vero Deo firma adhæsi-
o , atque mei finis felix consummatio.
Et precor te , ut ad illud ineffabile
Convivium me peccatorem perdu-
cere digneris , ubi tu cum Filio
tuo , et Spiritu sancto , Sanctis tuis
es lux vera , satietas plena , gau-
dium sempiternum , jucunditas con-
summata , et felicitas perfecta. Per
eundem Christum Dominum nos-
trum , etc.

II. ORATIO

S. Bonaventuræ post Communionem.

TRANSFIGE , dulcissime Domine
Jesu , medullas et viscera animæ
meæ suavissimo ac saluberrimo amo-
ris tui vulnere , verâ , serenâque ,
et Apostolicâ sanctissimâ charitate ;

K

ut langueat, et liquefiat anima mea solo semper amore et desiderio tui: te concupiscat, et deficiat in atria tua: cupiat dissolvi, et esse tecum. Da, ut anima mea te esuriant Panem Angelorum, refectionem animarum sanctarum, Panem nostrum quotidianum supersubstantialem, habentem omnem dulcedinem et saporem, et omne delectamentum suavitatis: te, in quem desiderant Angeli prospicere, semper esuriant et comedat cor meum, et dulcedine saporis tui repleantur viscera animæ meæ: te semper sitiatis fontem vitæ, fontem sapientiæ et scientiæ, fontem æterni luminis, torrentem voluptatis, ubertatem domûs Dei: te semper ambiat, te quærat, te inveniat, ad te tendat, ad te perveniat, te meditetur, te loquatur, et omnia operetur in laudem et gloriam Nominis tui, cum humilitate et discretionem, cum dilectione et delectatione, cum facilitate et affectu, cum perseverantia usque in finem: et tu sis solus semper spes mea, tota fiducia mea, divitiæ meæ, delectatio mea, jucunditas mea, gaudium meum, quies et tranquillitas

mea, pax mea, suavitas mea, odor meus, dulcedo mea, cibus meus, refectio mea, refugium meum, auxilium meum, sapientia mea, portio mea, possessio mea, et thesaurus meus : in quo fixa et firma, et immobiliter semper sit radicata mens mea, et cor meum. Amen.

III. ORATIO.

INEFFABILEM misericordiam tuam, Domine Jesu Christe, humiliter exoro, ut hoc Sacramentum Corporis et Sanguinis tui, quod indignus suscepi, sit mihi purgatio scelerum, sit fortitudo fragilium, sit contra mundi pericula firmamentum, sit impetratio veniæ, sit stabilimentum gratiæ, sit medicina vitæ, sit memoria tuæ Passionis, sit contra debilitatem fomentum, sit vaticum meæ peregrinationis. Euntem me conducat, errantem me reducat, revertentem me suscipiat, titubantem me teneat, cadentem me erigat, et perseverantem me in gloriam introducat. O altissime Deus, beatissima præsentia Corporis et Sanguinis tui sic innumer palatum cor-

dis mei, ut præter te nullam unquam sentiat dulcedinem, nullam amet pulchritudinem, nullum quærat illicitum amorem, nullam desideret consolationem, nullam admittat unquam delectationem, nullum curet honorem, nullam timeat crudelitatem. Qui vivis et regnas cum Deo etc.

Poterit etiam devotio, et gratiarum actio post S. Communionem institui solâ meditatione, colloquio mentali, piis suspiriis et affectibus etc.

Utiliter quoque ad innovandam devotionem (facile enim pietas, crebrâ earundem Precum repetitione languescit) quædam ex sequentibus Precibus usurpantur: sive eæ solâ mente expendantur, sive expressis verbis recitentur. Non expedit autem multa unâ vice percurrere: paucis immorari, piisque animi affectibus indulgere præstat.



ALIUD EXERCITIUM DEVOTIONIS

POST

S. COMMUNIONEM.

Piæ Aspirationes ad Christum.

INVENI, quem diligit anima mea, tenui eum, nec dimittam. Te, mi Jesu, amplector, et amoris mei gaudium obtineo. Te cordis mei thesaurum comprehendo, in quo omnia possideo. Sentiât, obsecro, mens mea virtutem præsentiæ tuæ: gustet, quàm suavis sis, Domine: ut amore tui capta, nil extra te quærat, nil diligat, nisi propter te. Tu es *Rex* meus, ne obliviscaris inopiæ et tribulationis meæ. Tu es *Judex* meus, parce peccatis meis, et miserere mei. Tu es *Medicus* meus, sana omnes infirmitates meas. Tu es *Sponsus* animæ meæ, sponsa te mihi in sempiternum. Tu es *Dux et Defensor* meus, pone me juxta te

et cujusvis manus pugnet contra me. Tu *Victima* pro me factus es, et ego tibi sacrificabo hostiam laudis. Tu *Redemptor* meus es, redime animam meam de manu inferi, et salva me. Tu es *Deus* meus et Omnia. Quid enim mihi est in Cœlo, et à te quid volui super terram? Deus cordis mei, et pars mea Deus in æternum.

Gratiarum actio et oblatio sui.

I. *Deo Patri.*

Quid tibi, ô Pater misericordiarum, rependam? qui sic mundum dilexisti, ut Filium tuum unigenitum dares, non modò, ut mortem pro salute nostra subiret, verum etiam in cibum animarum nostrarum daretur, et nobiscum esset usque ad consummationem sæculi. En ipsum dilectissimum Filium tuum, quem licet indignus tuo beneficio nunc suscepi, meque unà cum ipso tibi in gratiarum actionem offero. Respice, quæso, non in me miserum peccatorem, sed in faciem Christi

tui. Considera in Filio, quod te moveat misereri servo, et dum illius tibi patent vulnera, mea tegantur scelera. Hic est ille tuus Filius, in quo tibi bene complacuit; per quem, oro, et ego ita tibi placeam, ut in numerum Electorum tuorum admitti, teque in gloria tua cum eodem Filio et Spiritu sancto æternum intueri, et laudare merear. Amen.

II. *Deo Filio.*

Quid tibi, ô Fili Dei vivi, rependam? qui non modo carnem meam assumere, et pro me mori, verum etiam in eâdem animatâ carne tuâ ad me venire dignatus es, ut carne tuâ carni meæ, et animâ tuâ animæ meæ unitâ, unum quodammodo tecum fierem, tuæque humanitatis factus consors, fierem et consors divinitatis. O immensæ charitatis dignatio? Quid est homo, quòd adeò magnificas eum? aut quid apponis erga eum cor tuum? quem si exaltaveris nihil tibi conferre, si damnaveris, nihil auferre

88 *Aliud Exercitium post*

potest. O mi Jesu, quibus tibi modis referam gratias? quid retribuam pro amore illo infinito, quo me complexus es? Accipe me totum, qui cùm totus perieram, te totum pro me dedisti. Sed cùm ego te digna oblatio esse non possim, offero tibi ipsum amantissimum Patrem tuum unà cum Spiritu sancto: offero et dilectissimam Matrem tuam Virginem Mariam, quâ nihil post Patrem tuum et Spiritum sanctum tibi in cœlo aut in terra potest esse charius. In unione hujus sanctissimæ oblationis me indignum, ô Jesu, suscipe, et fac me gloriâ tuâ, cujus mihi pignus in suscepto jam Sacramento dedisti, tecum æternum frui. Amen.

III. *Deo Spiritui sancto.*

QUID tibi, ô sancte Spiritus, rependam? qui omnis amoris à Patre et Filio in me effusi, fons et origo es. Per te, Pater commotus dedit Filium suum unigenitum: per te, Filius inductus seipsum pro Redemptione nostra obtulit. Tu illi Mariam

Virginem in Matrem præparasti : tu illi purissimum corpus ex ejusdem virginea carne præparasti , quod nunc ego , tuo quoque beneficio in sanctissimo Eucharistiæ Sacramento suscepi : tu hujus meritorum me participem facis : à te gratiarum omnium dona profluxerunt. Quas tibi gratias referam , ô sancte Spiritus ? Accipe cor meum , quod amoris tui ac benignitatis scopum constituere dignatus es , tu illud , obsecro , ab omnibus peccatorum sordibus emunda , tu septenis illud gratiarum tuarum donis exorna , tibi in gratum habitaculum præpara. Veni , S. Spiritus , veni , Pater pauperum , veni , dator munerum. Sine tuo numine nihil est in homine , nihil est innoxium. Da virtutis meritum , da salutis exitum , da pœrenne gaudium. Amen.



PLÆ PETITIONES

POST

.S. COMMUNIONEM.**I. *Petitio ad impetrandam remissionem defectuum in ista Communionem commissarum.***

A te, benignissime Jesu, vocatus ad Cœnam magnam, non meis meritis, sed tuæ infinitæ misericordiæ et bonitati confisus venio: Corpus et Sanguinem tuum licet indignus sumpsi; dixisti enim: Nisi manducaveritis Carnem Filii hominis, non habebitis vitam in vobis. Ne, obsecro, clementissime Jesu, memineris peccatorum meorum, quibus totam penè vitam meam contaminavi, neque aspicias negligentias meas, quas in hac ipsa SS. Corporis tui sumptione commisi. Quàm (heu!) exiguâ diligentîâ conscientiam meam

mundare studui? quàm frigidè de tot tamque enormibus à me commissis flagitiis pœnitentiam egi? quàm tepido corde ad hoc amoris ardentissimi Sacramentum accessi? quàm breve tempus præparationi, debitæque gratiarum actioni impendi? Si iniquitates et negligentias observaveris, Domine, Domine, quis sustinebit? confiteor adversum me injustitiam meam; ut spero, remittis impietatem peccati mei. Magna est fiducia peccatoris, cui cognita est pietas Salvatoris. Ignosce, ô Jesu, ignosce, quidquid à me in hac sacratissimæ tuæ Mensæ frequentatione peccatum est, tuâque id pietate, infinitisque meritis, oro, suppleatur. Amen.

II. Petitio, ne ullo gravi peccato à Jesu imposterum separemur.

UTINAM, ô Jesu, tam firmo tecum vinculo imposterum conjunctus permaneam, ut in æternum à te non separer; sed heu! non habitat in me, hoc est in carne mea, bonum. Velle quidem adjacet mihi,

perficere autem bonum non invenio. Non enim quod volo bonum, hoc facio; sed quod nolo malum, hoc ago. Quamobrem ad te, mi Jesu, confugio, cujus oculi vident imperfectum meum, et in quo est omnis sufficientia mea. Tu, ô Dux animæ meæ, dirige in conspectu tuo viam meam, et deduc me in justitia tua. Nihil sine te; omnia verò possum in te, qui me confortas. Quamobrem adjuva me, ut præ cæteris omnibus peccatis, ad quæ nimis propendet malitia et fragilitas depravatæ naturæ meæ, potissimum caveam hoc.... Inter cæteras verò virtutes, ad quas nimis (heu!) segnis aspiro, præcipuè me impendam istis.... Notam fac, ô Jesu, auxiliatricem manum tuam, et cantabo fortitudinem tuam. Teneat me tibi conjunctum dextra tua, ut securè exclamare audeam: Quis nos separabit à charitate Christi? *Rom. 8.*

Adde, si libet, Orationem S. Thomæ Aquinatis, Concede mihi, misericors Deus, quæ tibi placita, etc.

III. *Petitio , ut fructum hujus Sacramenti participant amici tui , et illi....*

O Jesu , quem potentissimum Advocatum habemus apud Deum Patrem , qui propitiatio es pro peccatis nostris , non autem pro nostris tantum , sed etiam pro totius mundi : qui carnem tuam in cibum dedisti , pro mundi vita : qui omnes homines vis salvos fieri. Fac , oro , ut omnes Sacramenti hujus virtutem nunc , et potissimum in hora mortis participant , imprimis parentes mei , amici et inimici.... benefactores. Deduc eos mecum in via æterna , gratiam veræ pœnitentiæ , virtutisque amorem pectoribus nostris insere ; ut demum ad domum Patris tui , et gloriam sempiternam pervenire mereamur.

Beati qui habitant in domo tua , Domine , in sæcula sæculorum laudabunt te. *Psalm.* 83.



LITANIÆ SS. TRINITATIS.

(DIE DOMINICA).

KYRIE eleïson.

Christe, eleïson.

Kyrie eleïson.

Pater, ex quo omnia, miserere
nobis.

Fili, per quem omnia,
Spiritus sancte, in quo omnia,
Sancta et individua Trinitas,
unus Deus,

Incomprehensibilis Majestas,

Inmutabilis potentia,

Infinita sapientia,

Inexhausta bonitas,

Imperialis dignitas,

Legalis divinitas,

Æterna veritas,

Rex omnipotens Deus,

Qui solus es et unus Deus,

In quo vivimus, movemur, et
sumus,

Miserere nobis.

**Cujus majestate repleta est omnis
terra, Misere nobis.**

**Cui soli debetur honor et gloria,
Qui consolaris nos in tribulatione
nostra,**

**Qui facis mirabilia magna solus,
Qui es, qui eras, et qui ventu-
rus es,**

**In judicio justus et terribilis,
In regno gloriosus, et admira-
bilis,**

Pater ingenite,

Fili unigenite,

**Spiritus sancte ab utroque pro-
cedens,**

O beata Trinitas unus Deus,

**Propitius esto, parce nobis, Do-
mine.**

**Propitius esto, exaudi nos, Do-
mine.**

**Ab omni malo, libera nos, Do-
mine.**

**Ab omni peccato, libera nos, Do-
mine.**

**Ab omni infidelitate, libera, nos,
Domine.**

**A mandatorum tuorum transgres-
sione, libera nos, Domine.**

Miserere nobis.

A donorum tuorum contemptu , li-
bera nos , Domine.

A rerum sacrarum neglectu ,

A morte perpetua ,

Per omnipotentiam tuam ,

Per sapientiam tuam ,

Per infinitam bonitatem tuam ,

Per magnam misericordiam tuam ,

Per patientiam et longanimitatem
tuam ,

Peccatores , te rogamus , audi nos.

Ut te Deum verum , semper et
ubique confiteri nobis dones ,

Ut te Deum unum in Trinitate
venerari , et Trinitatem in
unitate adorare concedas ,

Ut te toto corde diligere nobis
largiri digneris ,

Ut populum sancto tuo Nomine
sacratum conservare et salvare
digneris ,

Ut errantibus lumen , ut in viam
possint redire justitiæ , conce-
dere digneris ,

Ut omnibus fidelibus defunctis
requiem æternam donare dig-
neris ,

Ut nos exaudire digneris ,

O beata Trinitas , libera nos.

O beata Trinitas , salva nos.

Lib. nos Domine.

Te rogamus , audi nos.

O

O beata Trinitas, vivifica nos.

Kyrie eleïson.

Christe eleïson.

Kyrie eleïson.

Pater noster, etc. *secreto.*

✠. Benedicamus Patrem, et Filium
cum S. Spiritu.

℟. Laudemus et superexaltemus eum
in sæcula.

✠. Benedictus es, Domine, in fir-
mamento cœli.

℟. Et laudabilis, et gloriosus, et
superexaltatus in sæcula.

✠. Benedicat nos, Deus, Deus nos-
ter, benedicat nos, Deus.

℟. Et metuant eum omnes fines
terræ.

OREMUS.

OMNIPOTENS sempiternæ Deus, qui
dedisti famulis tuis in confessione
veræ Fidei æternæ Trinitatis gloriam
agnoscere, et in potentia Majestatis
adorare Unitatem: quæsumus, ut
ejusdem Fidei firmitate ab omnibus
semper muniamur adversis. Per Do-
minum etc.

Benedicat nos divina Majestas, et
una Deitas, Pater, et Filius, et Spi-
ritus sanctus.

L



LITANLÆ

S. SPIRITUS.

(FERIA 2. SEU DIE LUNÆ.)

KYRIE eleïson.
 C̄hriste eleïson.
 Kyrie eleïson.
 Spiritus sancte à Patre Filioque pro-
 cedens, miserere nobis.
 Spiritus Domini, Deus Israël,
 Dominator hominum,
 Replens orbem terrarum,
 Habens omnem virtutem,
 Omnia bona operans, et omnia
 prospiciens,
 Ornans celos, stabilis et secu-
 rus,
 Spiritus veritatis, omnia sugge-
 rens et distribuens,
 Spiritus sapientiæ et intellectûs,
 Spiritus consilij, fortitudinis,
 scientiæ, et pietatis,
 Spiritus timoris Domini, et pru-
 dentia,

Miserere nobis.

Spiritus, quo inspirante locuti sunt
sancti Dei homines, miserere nobis.

Quæ ventura sunt annuntians,
Donum et promissio Patris,
Spiritus sancte Paraclete arguens
mundum,

Spiritus, in quo dæmonia eji-
ciuntur,

Spiritus, ex quo renascimur,

Spiritus, per quem charitas Dei
diffusa est in cordibus nos-
tris,

Spiritus adoptionis filiorum Dei,

Spiritus gratiæ et misericordiæ,

Spiritus adjuvans infirmitatem
nostram, et reddens testimo-
nium spiritui nostro, quòd si-
mus filii Dei,

Spiritus suavis, benigne, super
mel dulcis,

Spiritus pignus hæreditatis nos-
træ, deducens nos in terram
rectam,

Spiritus principalis, vivificans
et confortans,

Spiritus salutis, iudicii, et gau-
dii,

Spiritus fidei, pacis, et ardoris,

Spiritus humilitatis, charitatis,
et castitatis,

Miserere nobis.

Spiritus benignitatis, bonitatis, longanimitatis ac mansuetudinis, miserere nobis.

Spiritus lenitatis, veritatis, unitatis ac consolationis, miserere nobis.

Spiritus compunctionis, promissionis, renovationis, ac sanctificationis, miserere nobis.

Spiritus vitæ, patientiæ, continentiae, ac modestiæ, miserere nobis.

Spiritus omnium gratiarum, miserere nobis.

Propitius esto, parce nobis, sancte Spiritus.

Propitius esto, exaudi nos, sancte Spiritus.

A spiritu erroris, libera nos, Spiritus Dei vivi.

A spiritu immundo,

A spiritu blasphemiae,

Ab omni obstinatione, et desperatione,

Ab omni præsumptione, et veritatis contradictione,

Ab omni malitia et prava consuetudine,

Ab invidia fraternæ charitatis,

A finali impœnitentia,

Per æternam à Patre et Filio processionem tuam,

Lib. nos, Spir. Dei vivi.

**Per invisibilem unctionem tuam , li-
bera nos , Spiritus Dei vivi.
Per omnem gratiarum plenitu-
dinem , quâ Virginem Mariam
semper possedisti ,
Per supereffluentem sanctitatis
abyssum , quâ in conceptione
Verbi Matrem Dei innundare
fecisti ,
Per sanctam in Baptismo Christi
apparitionem tuam ,
Per salutarem super Apostolos
adventum tuum ,
Per ineffabilem bonitatem tuam ,
quâ Ecclesiam gubernas , con-
ciliis præsides , Martyres cor-
roboras , Doctores illuminas ,
Religiones instituis ,
Peccatores , te rogamus , audi nos.
Ut in spiritu ambulemus , et
desideria carnis non adim-
pleamus ,
Ut te numquam contristemus ,
Ut omnes Ecclesiasticos Ordines
in sancta Religione , et vero
spiritu conservare digneris ,
Ut cuncto populo christiano cor
unum , et animam unam do-
nare digneris ,
Ut virtutum omnium comple-**

Libera nos , Spiritus Dei vivi.**Te rogamus , audi nos.**

mentum nobis donare digneris, te
rogamus, audi nos.

Ut nos exaudire digneris, te roga-
mus, audi nos.

Spiritus Dei, te rogamus, audi nos.

Agnus Dei, etc. Effunde in nos
S. Spiritum.

Agnus Dei, etc. Emitte in nos pro-
missum Patris Spiritum.

Agnus Dei, etc. Da nobis Spiritum
bonum.

℣. Spiritus Domini replevit orbem
terrarum.

℞. Et hoc quod continet omnia,
scientiam habet vocis.

OREMUS.

ADSIT nobis, quæsumus, Domine,
virtus Spiritûs sancti, quæ et corda
nostra clementer expurget, et ab
omnibus tueatur adversis. Per Do-
minum nostrum etc.

Hymnus de S. Spiritu.

VENI, sancte Spiritus,
Et emitte cœlitus
Lucis tuæ radium:

Veni, Pater pauperum,
Veni, dator munerum.
Veni, lumen cordium,
Consolator optime,
Dulcis hospes animæ,
Dulce refrigerium.
In labore requies,
In æstu temperies,
In fletu solatium.
O Lux beatissima,
Reple cordis intima
Tuorum fidelium.
Sine tuo Numine
Nihil est in homine,
Nihil est innoxium.
Lava, quod est sordidum:
Riga, quod est aridum:
Sana, quod est sanum.
Flecte, quod est rigidum:
Fove, quod est frigidum:
Rege, quod est devium.
Da tuis fidelibus
In te contentibus
Sacrum Septenarium.
Da virtutis meritum:
Da salutis exitum:
Da perenne gaudium.
Amen.

℣. Spiritûs sancti gr̃atia

℞. Illuminet sensus et corda nostra.

℣. Domine, exaudi orationem meam.

℞. Et clamor meus ad te veniat.

OREMUS.

DEUS, cui omne cor patet, et omnis voluntas loquitur, et quem nullum latet secretum: purifica per infusionem sancti Spiritûs cogitationes cordis nostri, ut te perfectè diligere, et dignè laudare mereamur.

Da, quæsumus, Ecclesiæ tuæ, misericors Deus: ut S. Spiritu congregata, hostili nullatenus incur-sione turbetur. Per Dominum etc.

℣. Domine, exaudi orationem meam. ℞. Et clamor meus ad te veniat.

℣. Fidelium animæ per misericordiam Dei requiescant in pace. ℞. Amen.



LITANIÆ

SANCTISSIMI NOMINIS

JESU.

(FERIA 3. SEU DIE MARTIS.)

KYRIE eleïson.

Christe eleïson.

Kyrie eleïson.

Jesu , audi nos.

Jesu , exaudi nos.

Pater de cœlis Deus , miserere nobis.

Fili Redemptor mundi Deus ,

Spiritus sancte Deus ,

Sancta Trinitas unus Deus ,

Jesu Fili Dei vivi ,

Jesu splendor Patris ,

Jesu candor lucis æternæ ,

Jesu Rex gloriæ ,

Jesu sol justitiæ ,

Jesu Fili Mariæ Virginis ,

Jesu admirabilis ,

Jesu Deus fortis ,

Miserere nobis.

Jesu Pater futuri sæculi, miserere nobis.

Jesu magni consilii Angele ,
Jesu potentissime ,
Jesu patientissime ,
Jesu obedientissime ,
Jesu mitis et humilis corde ,
Jesu amator castitatis ,
Jesu amor noster ,
Jesu Deus pacis ,
Jesu auctor vitæ ,
Jesu exemplar virtutum ,
Jesu zelator animarum ,
Jesu Deus noster ,
Jesu refugium nostrum ,
Jesu Pater pauperum ,
Jesu thesaurus fidelium ,
Jesu bone pastor ,
Jesu lux vera ,
Jesu sapientia æterna ,
Jesu bonitas infinita ,
Jesu via et vita nostra ,
Jesu gaudium Angelorum ,
Jesu magister Apostolorum ,
Jesu doctor Evangelistarum ,
Jesu fortitudo Martyrum ,
Jesu lumen Confessorum ,
Jesu puritas Virginum ,
Jesu corona Sanctorum omnium ,
Propitius esto , parce nobis , Jesu.

Miserere nobis.

Propitius esto , exaudi nos , Jesu.

Ab omni peccato , libera nos , Jesu.

Ab ira tua ,

Ab insidiis diaboli ,

A spiritu fornicationis ,

A mortē perpetua ,

A neglectu inspirationum tuarum ,

Per Mysterium sanctæ Incarnationis tuæ ,

Per Nativitatem tuam ,

Per Infantiam tuam ,

Per divinissimam vitam tuam ,

Per labores tuos ,

Per agoniam et passionem tuam ,

Per crucem et derelictionem tuam ,

Per languores tuos ,

Per mortem et sepulturam tuam ,

Per resurrectionem tuam ,

Per ascensionem tuam ,

Per gaudia tua ,

Per gloriam tuam ,

**Agnus Dei , qui tollis peccata mundi ,
parce nobis , Jesu.**

**Agnus Dei , qui tollis peccata mundi ,
exaudi nos , Jesu.**

**Agnus Dei , qui tollis peccata mundi ,
miserere nobis , Jesu.**

Jesu , audi nos.

Jesu , exaudi nos.

Libera nos , Jesu.

OREMUS.

Domine Jesu Christe , qui dixisti : petite , et accipietis , quærite , et invenietis , pulsate , et aperietur vobis ; quæsumus , da nobis petentibus divinissimi tui amoris affectum , ut te toto corde , ore et opere diligamus , et à tua numquam laude cessemus.

Humanitatis tuæ ipsâ divinitate unctæ , Domine Jesu Christe , timorem pariter et amorem fac nos habere perpetuum : quia nunquam tuâ gubernatione destituis , quos in soliditate tuæ dilectionis instituis , qui cum Patre et Spiritu sancto vivis et regnas Deus per omnia sæcula sæculorum. *D. Amen.*

P. Exaudiat nos Dominus Jesus Christus.

D. Nunc et semper. Amen.

LITANIÆ

DE

SS. ANGELIS.

(FERIA 4. SEU DIE MERCURII.)

KYRIE eleïson.

Christe eleïson.

Kyrie eleïson.

Christe , audi nos.

Christe , exaudi nos.

Pater de cœlis Deus , miserere
nobis.Fili Redemptor mundi Deus , mise-
rere nobis.Spiritus Sancte Deus , miserere no-
bis.Sancta Trinitas unus Deus , mise-
rere nobis.

Sancta Maria , ora pro nobis.

Sancta Dei Genitrix , ora pro nobis.

Sancta Virgo Virginum , ora pro
nobis.

**Sancte Michaël , qui populo Dei
semper defensor fuisti , ora pro
nobis.**

**Sancte Michaël , qui Luciferum
cum complicibus rebellibus de
cœlo deturbasti ,**

**Sancte Michaël , qui accusatorem
fratrum nostrorum in profun-
dum inferni dejecisti ,**

**Sancte Gabriël , qui Daniëli di-
vinam visionem patefecisti ,**

**Sancte Gabriël , qui Joannis
Baptistæ ortum et ministerium
prænuntiasti ,**

**Sancte Gabriël , qui Incarnatio-
nis Verbi divini nuntius exti-
tisti ,**

**Sancte Raphaël , qui Tobiam sal-
vum duxisti et reduxisti ,**

**Sancte Raphaël , qui dæmonium
à Sara depulisti ,**

**Sancte Raphaël , qui Tobiam
seniorem illuminasti ,**

Sancti Angeli , orate pro nobis.

**Qui super Dei solium excelsum et
elevatum statis , orate pro nobis.**

**Qui jugiter Deo Sanctus , Sanctus ,
Sanctus , concinitis , orate pro no-
bis.**

**Qui discussis tenebris mentem nos-
tram illuminatis , orate pro nobis.**

Ora pro nobis.

Qui divina hominibus nuntiatis ,
orate pro nobis.

Qui hominum custodiam à Deo
accepistis ,

Qui semper faciem Patris, qui
in coelis est, videtis ,

Qui super uno peccatore pœni-
tentiam agente gaudetis ,

Qui Sodomitas cæcitate percus-
sistis ,

Qui Loth de medio peccatorum
eduxistis ,

Qui per scalam Jacob ascendistis
et descendistis ,

Qui in monte Sinai divinam Le-
gem Moysi tradidistis ,

Qui Christo nato gaudium homi-
nibus annuntiastis ,

Qui Christo in deserto ministras-
tis ,

Qui Lazarum in sinum Abrahæ
deportastis ,

Qui juxta Christi sepulchrum in
albis sedistis ,

Qui Christo in cœlum ascendente,
ejus Discipulis aparuistis ,

Qui Christum ad judicium ven-
tuum cum signo Crucis præ-
cedetis ,

Qui electos in fine seculi con-
gregaturi estis ,

Orate pro nobis.

Qui malos de medio justorum separabitis.

Qui orantium preces ad Deum defertis,

Qui morientibus assistitis,

Qui animas justorum ab omni labe purgatas ad cœlum deducitis,

Qui prodigia et miracula virtute Dei perpetratis,

Qui hæreditatem salutis capientibus in ministerium mittimini,

Qui Babylonem curatis, et nolentem curari migrando deseritis,

Qui super Regna et Provincias constituti estis,

Qui hostium exercitus sæpè dissipastis,

Qui Dei famulos ex carceribus, et aliis vitæ periculis sæpè liberastis,

Qui sanctis Martyribus in tormentis sæpè solatio fuistis,

Qui Ecclesiæ Prælatos et Principes, ejusdemque nutritios peculiari curâ fovere soletis,

Omnes sancti beatorum Spirituum ordines,

Orate pro nobis.

A cunctis periculis , per sanctos Angelos tuos , libera nos , Domine.

Ab insidiis diaboli , libera nos , Domine.

Ab omni hæresi et schismate , libera nos , Domine.

A peste , fame , et bello , libera nos , Domine.

A subitanea et improvisa morte , libera nos , Domine.

A morte perpetua , libera nos , Domine.

Peccatores , te rogamus , audi nos.

Per sanctos Angelos tuos ,

Ut nobis parcas ,

Ut nobis indulgeas ,

Ut Ecclesiam tuam sanctam regere et conservare digneris ,

Ut domnum Apostolicum , et omnes Ecclesiasticos Ordines protegere digneris ,

Ut Regibus et omnibus Principibus christianis pacem et unitatem largiri digneris ,

Ut fructus terræ dare et conservare digneris ,

Ut omnibus fidelibus defunctis requiem æternam donare digneris ,

Te rogamus , audi nos.

M

Agnus Dei, qui tollis peccata mundi,
parce nobis, Domine.

Agnus Dei, qui tollis peccata mundi,
exaudi nos, Domine.

Agnus Dei, qui tollis peccata mundi,
miserere nobis.

Kyrie eleison. Christe eleison. Kyrie eleison.

Pater noster, etc. *secretò.*

✠. Benedicite Dominum omnes Angeli ejus.

R/. Potentes virtute, facientes verbum illius, sed audiendam vocem sermonum ejus.

✠. Benedicite Domino omnes virtutes ejus.

R/. Ministri ejus, qui facitis voluntatem ejus.

✠. Angelis suis mandavit de te.

R/. Ut custodiant te in omnibus viis tuis.

✠. Immittet Angelus Domini in circuitu timentium eum.

R/. Et eripiet eos.

✠. In conspectu Angelorum psallam tibi, Deus meus.

R/. Adorabo ad Templum sanctum tuum, et confitebor Nomini tuo, Domine.

✠. Domine, exaudi orationem meam.

V. Et clamor meus ad te veniat.

OREMUS.

DEUS, qui miro ordine Angelorum ministeria hominumque dispensas : concede propitius, ut à quibus tibi ministrantibus in cælo semper assistitur, ab his in terra vita nostra muniatur. Per Dominum nostrum Jesum Christum Filium tuum, qui tecum vivit et regnat in unitate Spiritûs Sancti Deus, etc.



LITANIÆ

DE VENERABILI

SACRAMENTO.

(FERIA 5. SEU DIE JOVIS.)

KYRIE eleïson.

Christe eleïson.

Kyrie eleïson.

Christe, audi nos.

M 2

Christe, exaudi nos.

Pater de cœlis **Deus**, **miserere**
nobis.

Fili Redemptor mundi **Deus**,

Spiritus sancte **Deus**,

Sancta Trinitas unus **Deus**,

Panis vivus, qui de cœlo descendisti,

Deus absconditus et **Salvator**,

Fruementum electorum,

Vinum germinans **Virgines**,

Panis pinguis et deliciae regum,

Juge sacrificium,

Oblatio munda,

Agnus absque macula,

Mensa purissima,

Angelorum esca,

Manna absconditum,

Memoria mirabilium **Dei**,

Panis supersubstantialis,

Verbum caro factum,

Habitans in nobis,

Hostia sancta,

Calix benedictionis,

Mysterium fidei,

Præcelsum et venerabile **Sacramentum**,

Sacrificium omnium **Sanctissimum**,

Miserere nobis.

Verè propitiatorium pro vivis et
defunctis, miserere nobis.

Cœleste antidotum, quo à pec-
catis præservamur,

Stupendum super omnia mira-
culum,

Sacratissima Dominicæ passionis
commemoratio,

Donum transcendens omnem
plenitudinem,

Memoriale præcipuum divini
amoris,

Divinæ affluentia largitatis,

Sacrosanctum et augustissimum
Mysterium,

Pharmacum immortalitatis,

Tremendum ac vivificum Sacra-
mentum,

Panis omnipotentia Verbi Caro
factus,

Incruentum Sacrificium,

Cibus et Conviva,

Dulcissimum convivium, cui as-
sistunt Angeli ministrantes,

Sacramentum pietatis,

Vinculum charitatis,

Offerens et oblatio,

Spiritualis dulcedo in proprio
fonte degustata,

Refectio animarum sanctarum,

Miserere nobis.

Viaticum in Domino morientium ,
miserere nobis.

Pignus futuræ gloriæ , miserere
nobis.

Propitius esto , parce nobis , Do-
mine.

Propitius esto , exaudi nos , Do-
mine.

Ab indignâ Corporis et Sanguinis
tui susceptione , libera nos , Do-
mine.

A concupiscentia carnis ,

A concupiscentia oculorum ,

A superbia vitæ ,

Ab omni peccandi occasione ,

Per desiderium illud , quo hoc
Pascha cum discipulis man-
ducare desiderasti ,

Per summam humilitatem , quâ
Discipulorum pedes lavisti ,

Per ardentissimam charitatem
quâ hoc divinum Sacramen-
tum instituisti ,

Per Sanguinem tuum pretiosum ,
quem nobis in altari reli-
quisti ,

Per quinque vulnera hujus tui
Corporis sacratissimi , quæ pro
nobis suscepisti ,

Miserere nobis.

Peccatores, te rogamus, audi nos.
Ut in nobis fidem, reverentiam
et devotionem hujus admirabilis
Sacramenti augere et conservare
digneris, te rogamus, audi nos.

Ut ad frequentem usum Eu-
charistiæ, per veram pecca-
torum confessionem nos per-
ducere digneris,

Ut nos ab omni hæresi, per-
fidiâ, ac cordis cæcitate libe-
rari digneris,

Ut sanctissimi hujus Sacramenti
pretiosos et cœlestes fructus
nobis impertiri digneris,

Ut in hora mortis nostræ hoc
cœlesti viatico nos confortare
et munire digneris,

Fili Dei,

Agnus Dei, qui tollis peccata mundi,
parce nobis, Domine.

Agnus Dei, qui tollis peccata mundi,
exaudi nos, Domine.

Agnus Dei, qui tollis peccata mundi,
miserere nobis.

℣. Christe, audi nos.

℞. Christe, exaudi nos.

℣. Panem de cœlo præstitisti eis.

℞. Omne delectamentum in se ha-
bentem.

Te rogamus, audi nos.

OREMUS.

Deus, qui nobis sub Sacramento mirabili passionis tuæ memoriam reliquisti : tribue, quæsumus, ita nos Corporis et Sanguinis tui sacra mysteria venerari, ut redemptionis tuæ fructum in nobis jugiter sentiamus : qui vivis et regnas cum Deo Patre in unitate Spiritûs sancti Deus, per omnia sæcula sæculorum. Amen.



LITANIE

VITÆ ET PASSIONIS DOMINI NOSTRI

JESU CHRISTI.

 (FERIA 6. SEU DIE VENERIS.)

KYRIE eleïson.
 Christe eleïson.
 Kyrie eleïson.

Christe , audi nos.

Christe , exaudi nos.

Pater de Cœlis Deus , miserere
nobis.

Fili Redemptor mundi Deus ,
Spiritus sancte Deus ,
Sancta Trinitas unus Deus ,
Jesu Verbum Patris ,
Jesu Verbum caro factum ,
Jesu de Maria Virgine nate ,
Jesu in præsepio reclinate ,
Jesu à Pastoribus cognite ,
Jesu circumcisionem passe ,
Jesu à Magis adorate ,
Jesu in Templo oblate ,
Jesu in Ægyptum delate ,
Jesu parentibus subdite ,
Jesu à Joanne baptizate ,
Jesu in deserto tentate ,
Jesu via , veritas et vita ,
Jesu exemplar virtutum om-
nium ,
Jesu tuo nos pascens corpore ,
Jesu tuo nos potans sanguine ,
Jesu in oratione prostrate ,
Jesu sanguineo sudore perfuse ,
Jesu ab Angelo confortate ,
Jesu osculo à Juda tradite ,
Jesu Annæ et Caïphæ præsen-
tate ,

Miserere nobis.

122 *Litanie vitæ et passionis*

Jesu alapâ à ministro percusse ,
miserere nobis.

Jesu à falsis testibus accusate ,

Jesu reus mortis judicate ,

Jesu in faciem conspute ,

Jesu oculis velate ,

Jesu Pilato tradite ,

Jesu ab Herode illuse ,

Jesu Barabbæ postposite ,

Jesu flagellis cæse ,

Jesu veste purpureâ indute ,

Jesu spinis coronate ,

Jesu arundine percusse ,

Jesu ad crucem postulate ,

Jesu morte turpissimâ condem-
nate ,

Jesu crucis pondere gravate ,

Jesu clavis confixe ,

Jesu felle et aceto potate ,

Jesu usque ad mortem obediens
facte ,

Jesu lanceâ transfixe ,

Jesu sepulchro condite ,

Jesu ab inferis victor reverse ,

Jesu in cœlum elevate ,

Jesu ad Patris dexteram collo-
cate ,

Jesu Spiritum paraclitum elar-
gite ,

Miserere nobis.

Jesu reprobos in ignem æternum
missure, miserere nobis.

Jesu paratum electis regnum colla-
ture, miserere nobis.

Propitius esto, parce nobis, Jesu.

Propitius esto, exaudi nos, Jesu.

Ab omni malo, libera nos, Jesu.

Ab omni peccato, libera nos, Jesu.

Ab ira tua, libera nos, Jesu.

A subitanea et improvisa morte,
libera nos, Jesu.

A morte perpetua, libera nos, Jesu.

Kyrie eleïson, Christe eleïson.

Kyrie eleïson.

Pater noster, etc.

ORATIO.

Respice, quæsumus, Domine,
super hanc familiam tuam pro qua
Dominus noster Jesus Christus non
dubitavit manibus tradi nocentium,
et crucis subire tormentum. Amen.

Oratio ad Jesum.

O bone Jesu! ô piissime Jesu!
ô dulcissime Jesu! ô Jesu Fili Ma-
riæ Virginis, plene misericordia et
pietate! ô dulcis Jesu! secundum

magnam misericordiam tuam miserere mei. O clementissime Jesu ! te deprecor per illum sanguinem pretiosum , quem pro peccatoribus effundere voluisti , ut abluas omnes iniquitates meas , et in me respicias miserum et indignum humiliter veniam petentem et hoc nomen sanctum Jesu invocantem. O nomen Jesu ! nomen dulce , nomen Jesu , nomen delectabile , nomen Jesu , nomen confortans. Quid est enim Jesus , nisi Salvator ? Ergo Jesu propter nomen sanctum tuum esto mihi Jesus et salva me : ne permittas me damnari ; quem tu de nihilo creasti. O bone Jesu ! ne perdat me iniquitas mea , quem fecit omnipotens bonitas tua. O dulcis Jesu ! recognosce quod tuum est , et absterge quod alienum est. O benignissime Jesu ! miserere mei , dum tempus est miserendi , ne damnes me in tempore judicandi. Quæ utilitas in sanguine meo , dum descendero in æternam corruptionem ? Non mortui laudabunt te , Domine Jesu , neque omnes , qui descendunt in infernum. O amantissime Jesu ! ô desideratissime Jesu ! ô mitissime

Jesu ! ô Jesu , Jesu , Jesu ! ad-
mitte me intrare in numerum elec-
torum tuorum. O Jesu salus in te
credentium ! ô Jesu solatium ad te
confugientium ! ô Jesu dulcis re-
missio omnium peccatorum. O Jesu ,
fili Mariæ Virginis , infunde in me
gratiam , sapientiam , charitatem ,
castitatem et humilitatem , ut pos-
sim te perfectè diligere , te laudare ,
te perfrui , tibi servire , et in te
gloriarì , et omnes qui invocant
nomen tuum , quod est Jesus. Amen.



LITANIE

SANCTI JOSEPHI ,

SPONSI BEATÆ VIRGINIS.

KYRIE eleïson,
Christe eleïson.
Kyrie eleïson.
Christe , audi nos.
Christe , exaudi nos.
Pater de cœlis Deus , miserere nobis.

Fili Redemptor mundi Deus , miserere nobis.

Spiritus sancte Deus , miserere nobis.

Sancta Trinitas unus Deus , miserere nobis.

Sancta Maria , ora pro nobis.

Sancta Dei Genitrix ,

Sancta Virgo Virginum ,

Mater Jesu ,

Sponsa Joseph ,

Sancte Joseph ,

Sponse Mariæ ,

Nutritie Jesu ,

Vir secundum cor Dei ,

Fidelis serve et prudens ,

Custos Virginitatis Mariæ ,

Adjutorium simile Mariæ ,

Comes et solatium Mariæ ,

Summam gratiam adeptæ per

Mariam ,

In Virginitate mundissime ,

In humilitate profundissime ,

In charitate ardentissime ,

In contemplatione altissime ,

**Qui vir justus ipso Spiritûs
sancti testimonio comproba-
tus es ,**

**Qui de sacro incarnati Verbi
mysterio cœlitûs edoctus es ,**

Ora pro nobis.

Qui in Bethlehem cum Maria desponsata tibi uxore pręgnante profectus es, ora pro nobis.

Qui locum non inveniens in diversorio, ad stabulum divertisti,

Qui Christo nascenti positoque in pręsepio adesse meruisti,

Qui Christo circumciso nomen ejus Jesum vocasti,

Qui Christum infantem cum Maria in Templo Domino pręsentasti,

Qui Angeli monitu accepto puero et Matre ejus in Ægyptum fugisti,

Qui defuncto Herode, cum puero et Matre ejus in terram Israël rediisti,

Qui remanentem puerum Jesum in Jerusalem cum Maria Matre ejus dolens quęsivisti,

Qui post triduum sedentem illum in medio Doctorum gaudens invenisti,

Qui dominum Dominantium tibi in terris subditum habuisti,

Cujus laus est in Evangelio, vir Marię, de qua natus est Jesus,

Ora pro nobis.

Patrone noster, audi nos, sancte Joseph.

Advocate noster,
In omnibus angustiis nostris,
In hora mortis nostræ,
Per æternam prælectionem tuam,
Per castissimam desponsationem
tuam,
Per omnes labores et sudores
tuos,
Per omnes virtutes tuas,
Per omnia merita tua,
Per omnem beatitudinem tuam.

Audi nos, S. Joseph.

Cientes tui, te rogamus, audi nos.
Ut à Jesu dilecto tuo peccatorum
nostrorum veniam nobis deprecari
digneris,

Ut nos amantissimæ sponsæ tuæ
jugiter commendare digneris,
Ut Virginibus omnibus et in-
nuptis castimoniam tuam im-
petrare digneris,

Te rogamus, audi nos.

Ut conjugibus omnibus thorum
immaculatum et sanctam con-
cordiam exorare digneris,

Ut omnibus patribus - familias
in christiana liberorum suo-
rum educatione opitulari dig-
neris,

Ut

Ut sodalitates omnes , peculiari tibi obsequio devotas , tuo favore prosequi digneris , te rogamus , audi nos.

Ut omnes de tuo patrocinio confidentes semper et ubique protegere digneris , te rogamus , audi nos.

Ut omnibus fidelibus defunctis intercessionis tuæ suffragio succurrere digneris , te rogamus , audi nos.

Sponse Mariæ , te rogamus , audi nos.

Nutritie Jesu , te rogamus , audi nos.

Agnus Dei , qui tollis peccata mundi , parce nobis , Jesu.

Agnus Dei , qui tollis peccata mundi , exaudi nos , Jesu.

Agnus Dei , qui tollis peccata mundi , miserere nobis , Jesu.

Jesu Christe , audi nos.

Jesu Christe , exaudi nos.

℣. Ora pro nobis , beatissime Joseph.

℟. Ut digni efficiamur promissionibus Christi.

OREMUS.

Sanctissimæ Genitricis tuæ Sponsi,
quæsumus, Domine, meritis adju-
vemur, ut quod possibilitas nostra
non obtinet, ejus nobis interces-
sione donetur, qui vivis et regnas
cum Deo Patre in unitate Spiritûs
sancti Deus, per omnia sæcula sæ-
culorum. Amen.



LITANIÆ

IN HONOREM SANCTI

ALOYSII GONZAGÆ.

KYRIE eleïson.

Christe eleïson.

Kyrie eleïson.

Christe, audi nos.

Christe, exaudi nos.

Pater de cœlis, Deus, miserere
nobis.

Fili, redemptor mundi, Deus, mi-
serere nobis.

Spiritus sancte Deus, miserere nobis.
Sancta Trinitas unus Deus, misere-
rere nobis.

Sancta Maria, Aloysii patrona, ora
pro nobis.

Sancte Aloysi Gonzaga,
Sancte Aloysi, Dei benedictio-
nibus dotata,

Sancte Aloysi, Spiritu sancto
replete,

Sancte Aloysi, Christi confessor
dignissime,

Sancte Aloysi, eucharistiæ ado-
rator devotissime,

Sancte Aloysi, beatæ Virginis
cliens addictissime,

Sancte Aloysi, deliciarum mundi
generose contemptor,

Sancte Aloysi, exemplar humi-
litis,

Sancte Aloysi, paupertatis ama-
tor,

Sancte Aloysi, in obedientiâ
consummate,

Sancte Aloysi, patientiâ admi-
rabilis,

Sancte Aloysi, in cœlis poten-
tissime,

Sancte Aloysi, fugator dæmo-
num,

Ora pro nobis.

Sancte Aloysi, honor et gloria ju-
ventutis, ora pro nobis.

Sancte Aloysi, patrone scholas-
ticorum,

Sancte Aloysi, vitæ evangelicæ
imitator,

Sancte Aloysi, speculum virgi-
num,

Sancte Aloysi, consolator afflic-
torum dulcissime,

Sancte Aloysi, infirmorum salus
certissima,

Sancte Aloysi, Societatis Jesu
decus et ornamentum,

Sancte Aloysi, præclarum Ec-
clesiæ lumen,

Sancte Aloysi, plurimis insignite
miraculis,

Agnus Dei qui tollis peccata mundi,
parce nobis, Domine.

Agnus Dei qui tollis peccata mundi,
exaudi nos, Domine.

Agnus Dei qui tollis peccata mundi,
miserere nobis.

Christe, audi nos.

Christe, exaudi nos.

℟. Ora pro nobis, sancte Aloysi
Gonzaga;

℣. Ut digni efficiamur promissio-
nibus Christi.

Ora pro nobis.

OREMUS.

Cœlestium donorum distributor ,
Deus , qui in angelico juvene Aloysio
miram vitæ innocentiam pari cum
pœnitentiâ sociasti : ejus meritis et
precibus concede , ut innocentem
non secuti , pœnitentiam imitemur.
Per Dominum nostrum. Amen.

ORATIONES ECCLESIE

AD SANCTOS

SOCIETATIS JESU.

De S. Ignatio.

Deus , qui ad majorem tui Nomi-
nis gloriam propagandam nova per
B. Ignatium subsidio militantem Ec-
clesiam roborasti : concede , ut ejus
auxilio et imitatione certantes in ter-
ris , coronari cum ipso mereamur
in cœlis. Per Dominum etc.

De S. Francisco Xaverio.

DEUS, qui Indiarum gentes, B. Francisci prædicatione, et miraculis, Ecclesiæ tuæ aggregare voluisti: concede propitius, ut cujus gloriosa merita veneramur, virtutum quoque imitemur exempla. Per Dominum etc.

De S. Stanislao, pro felici morte impetranda.

DEUS, qui per manus SS. Angelorum tuorum B. Stanislauum Kostkam sanctissimo Filii tui Domini nostri Jesu Christi corpore refecisti: da, ut ejus exemplo sacrosanctum hoc Carnis et Sanguinis tui Sacramentum dignè semper sumamus, eodemque in horâ mortis nostræ relecti, ad divini vultûs tui conspectum unâ cum ipso læti perveniamus. Per eundem Dominum etc.

*De S. Francisco Borgia , pro
impetranda Humilitate.*

DOMINE Jesu Christe , verè humilitatis et exemplar , et præmium , quæsumus , ut sicut B. Franciscum in terreni honoris contemptu imitorem tui gloriosum effecisti , ita nos ejusdem imitationis et gloriæ tribuas esse consortes. Qui vivis et regnas in sæcula sæculorum. Amen.

*De S. Joanne Francisco Regis ,
pro impetranda Patientia.*

DEUS , qui ad plurimos pro salute animarum perferendos labores B. Joannem Franciscum , Confessorem tuum , mirabili charitate , et invictâ patientiâ decorasti : concede propitius , ut ejus exemplis instructi , et intercessionibus adjuti , æternæ vitæ præmia consequamur. Per Dominum nostrum etc.

*De SS. Martyribus Japonensibus
Joanne, Paulo et Jacobo, pro
impetranda fortitudine in ad-
versis.*

DEUS, qui beatos Joannem, Pau-
lum et Jacobum, Martyrii coronâ
exornasti : concede nobis, quæsu-
mus, ut cœlestem eorum gloriam
veneremur, et exemplum constan-
tiæ in adversis imitemur. Per Do-
minum nostrum etc.



LITANIÆ

OMNIUM

SANCTORUM.

KYRIE eleïson.
Christe eleïson.
Kyrie eleïson.
Christe, audi nos.

Christe , exaudi nos.

Pater de cœlis Deus , miserere nobis.

Fili Redemptor mundi Deus , miserere nobis.

Spiritus Sancte Deus , miserere nobis.

Sancta Trinitas unus Deus , miserere nobis.

Sancta Maria , ora pro nobis.

Sancta Dei Genitrix , ora pro nobis.

Sancta Virgo virginum , ora pro nobis.

Sancte Michaël , ora pro nobis.

Sancte Gabriël , ora pro nobis.

Sancte Raphaël , ora pro nobis.

Omnes sancti Angeli et Archangeli , orate pro nobis.

Omnes SS. beatorum Spirituum Ordines , orate pro nobis.

Sancte Joannes Baptista , ora pro nobis.

Sancte Joseph , ora pro nobis.

Omnes SS. Patriarchæ et Prophetæ , orate pro nobis.

Sancte Petre , ora pro nobis.

Sancte Paule , ora pro nobis.

Sancte Andrea , ora pro nobis.

Sancte Jacobe , ora pro nobis.

Sancte Joannes , ora pro nobis.

Sancte Thoma ,

Sancte Jacobe ,

Sancte Philippe ,

Sancte Bartholomæe ,

Sancte Matthæe ,

Sancte Simon ,

Sancte Thadæe ,

Sancte Mathia ,

Sancte Barnaba ,

Sancte Luca ,

Sancte Marce ,

**Omnes SS. Apostoli et Evangelistæ ,
orate pro nobis.**

**Omnes SS. Discipuli Domini , orate
pro nobis.**

**. Omnes SS. Innocentes , orate pro
nobis.**

Sancte Stephane , ora pro nobis.

Sancte Laurenti , ora pro nobis.

Sancte Vincenti , ora pro nobis.

**Sancti Fabiane et Sebastianæ , orate
pro nobis.**

**Sancti Joannes et Paule , orate pro
nobis.**

**Sancti Cosma et Damiane , orate
pro nobis.**

**Sancti Gervasi et Protasi , orate pro
nobis.**

Ora pro nobis.

Omnes SS. Martyres , orate pro nobis.

Sancte Silvester , ora pro nobis.

Sancte Gregori ,

Sancte Ambrosi ,

Sancte Augustine ,

Sancte Hieronyme ,

Sancte Martine ,

Sancte Nicolae ,

Omnes SS. Pontifices et Confessores , orate pro nobis.

Omnes SS. Doctores , orate pro nobis.

Sancte Antoni , ora pro nobis.

Sancte Benedicte , ora pro nobis.

Sancte Bernarde , ora pro nobis.

Sancte Dominice , ora pro nobis.

Sancte Francisce , ora pro nobis.

Omnes SS. Sacerdotes et Levitæ , orate pro nobis.

Omnes SS. Monachi et Eremitæ , orate pro nobis.

Sancta Maria Magdalena , ora pro nobis.

Sancta Agatha ,

Sancta Lucia ,

Sancta Agnes ,

Sancta Cæcilia ,

Sancta Catharina ,

Sancta Anastasia ,

Ora pro nob.

Ora pro nob.

**Omnes sanctæ Virgines et Viduæ,
orate pro nobis.**

**Omnes Sancti et Sanctæ Dei, in-
tercedite pro nobis.**

**Propitius esto, parce nobis, Do-
mine.**

**Propitius esto, exaudi nos, Do-
mine,**

**Ab omni malo, libera nos, Do-
mine.**

Ab omni peccato,

Ab ira tua,

A subitanea et improvisa morte,

Ab insidiis diaboli,

**Ab ira et odio, et omni mala
voluntate,**

A spiritu fornicationis,

A fulgure et tempestate,

A morte perpetua,

**Per Mysterium sanctæ Incarna-
tionis tuæ,**

Per Adventum tuum,

Per Nativitatem tuam,

**Per Baptismum et sanctum Je-
junium tuum,**

Per Crucem et Passionem tuam,

Per Mortem et Sepulturam tuam,

**Per sanctam Resurrectionem
tuam,**

Libera nos, Domine.

**Per admirabilem Ascensionem tuam ,
libera nos , Domine.**

**Per Adventum Spiritûs sancti Pa-
racliti , libera nos , Domine.**

**In die Judicii , libera nos , Do-
mine.**

Peccatores , te rogamus , audi nos.

Ut nobis parcas ,

Ut nobis indulgeas ,

**Ut ad veram pœnitentiam nos
perducere digneris ,**

**Ut Ecclesiam tuam sanctam re-
gere et conservare digneris ,**

**Ut Domnum Apostolicum , et
omnes Ecclesiasticos Ordines
in sancta Religione conservare
digneris ,**

**Ut inimicos sanctæ Ecclesiæ hu-
miliare digneris ,**

**Ut Regibus et Principibus Chris-
tianis pacem et veram concor-
diam donare digneris ,**

**Ut cuncto Populo christiano
pacem et unitatem largiri dig-
neris ,**

**Ut nosmetipsos in tuo sancto
servitio confortare et conser-
vare digneris ,**

**Ut mentes nostras ad cœlestia
desideria erigas ,**

Te rogamus , audi nos.

Ut omnibus benefactoribus nostris
sempiterna bona retribuas , te
rogamus , audi nos.

Ut animas nostras , fratrum ,
propinquorum et benefactorum
nostrorum ab æterna damna-
tione eripias ,

Ut fructus terræ dare et con-
servare digneris ,

Ut omnibus fidelibus defunctis
requiem æternam donare dig-
neris ,

Ut nos exaudire digneris ,

Fili Dei ,

Agnus Dei , qui tollis peccata mundi,
parce nobis , Domine.

Agnus Dei , qui tollis peccata mundi,
exaudi nos , Domine.

Agnus Dei , qui tollis peccata mundi,
miserere nobis.

Christe , audi nos.

Christe , exaudi nos.

Kyrie eleïson.

Christe eleïson.

Kyrie eleïson.

Pater noster , etc. *secretò.*

℟. Et ne nos inducas in tentatio-
nem.

℞. Sed libera nos à malo.

Te rogamus , audi nos.

PSALMUS 69.

DEUS, in adiutorium meum intende : * Domine, ad adjuvandum me festina.

Confundantur et revereantur, * qui quærent animam meam.

Avertantur retrorsum, et erubescant, * qui volunt mihi mala.

Avertantur statim erubescences, * qui dicunt mihi : Euge, euge.

Exultent, et lætentur in te omnes qui quærent te : * et dicant semper : Magnificetur Dominus, qui diligunt salutare tuum.

Ego verò egenus, et pauper sum : * Deus, adjuva me.

Adjutor meus, et liberator meus es tu : * Domine, ne moreris.

Gloria Patri, etc.

℣. Salvos fac servos tuos.

℞. Deus meus, sperantes in te.

℣. Esto nobis, Domine, turris fortitudinis.

℞. A facie inimici.

℣. Nihil proficiat inimicus in nobis.

℞. Et filius iniquitatis non apponat nocere nobis.

Y. Domine , non secundum peccata nostra facias nobis.

R. Neque secundum iniquitates nostras retribuas nobis.

Y. Oremus pro Pontifice nostro N.

R. Dominus conservet eum , et vivificet eum , et beatum faciat eum in terra , et non tradat eum in animam inimicorum ejus.

Y. Oremus pro benefactoribus nostris.

R. Retribuere dignare , Domine , omnibus nobis bona facientibus propter Nomen tuum vitam æternam. Amen.

Y. Oremus pro fidelibus defunctis.

R. Requiem æternam dona eis , Domine , et lux perpetua luceat eis.

Y. Requiescant in pace.

R. Amen.

Y. Pro fratribus nostris absentibus.

R. Salvos fac servos tuos , Deus meus , sperantes in te.

Y. Mitte eis , Domine , auxilium de sancto.

R. Et de Sion tuere eos.

Y. Domine , exaudi orationem meam.

R. Et clamor meus ad te veniat.

OREMUS.

DEUS, cui proprium est misereri semper et parcere, suscipe deprecationem nostram: ut nos, et omnes famulos tuos, quos delictorum catena constringit, miseratione tuæ pietatis clementer absolvat.

EXAUDI, quæsumus, Domine, supplicum preces, et confitentium tibi parce peccatis: ut pariter nobis indulgentiam tribuas benignus et pacem.

INEFFABILEM nobis, Domine, misericordiam tuam clementer ostende: ut simul nos et à peccatis omnibus exuas, et à pœnis, quas pro his meremur, eripias

DEUS, qui culpâ offenderis, pœnitentiâ placaris, preces populi tui supplicantis propitius respice: et flagella tuæ iracundiæ, quæ pro peccatis nostris meremur, averte.

O

OMNIPOTENS sempiternæ Deus, miserere famulo tuo Pontifici nostro N., et dirige eum secundum tuam clementiam in viam salutis æternæ: ut, te donante, tibi placita cupiat, et totâ virtute perficiat.

DEUS, à quo sancta desideria, recta consilia, et justa sunt opera, da servis tuis illam, quam mundus dare non potest, pacem; ut et corda nostra mandatis tuis dedita, et hostium sublatâ formidine, tempora sint tuâ protectione tranquilla.

URE igne sancti Spiritûs renasce nos, et cor nostrum, Domine: ut tibi casto corpore serviamus, et mundo corde placeamus.

FIDELIUM, Deus, omnium Conditor et Redemptor, animabus famulorum famularumque tuarum re-

missionem cunctorum tribue peccatorum ; ut indulgentiam , quam semper optaverunt , piis supplicationibus consequantur.

ACTIONES nostras , quæsumus , Domine , aspirando præveni , et adjuvando proseguere : ut cuncta nostra oratio et operatio à te semper incipiat , et per te cœpta finiatur.

OMNIPOTENS sempiternæ Deus , qui vivorum dominaris , simul et mortuorum , omniumque misereris , quos tuos fide et opere futuros esse prænoscis : te supplices exoramus , ut pro quibus effundere preces decrevimus , quosque vel præsens sæculum adhuc in carne retinet , vel futurum jam exutos corpore suscipit , intercedentibus omnibus Sanctis tuis , pietatis tuæ clementiâ omnium delictorum suorum veniam consequantur. Per Dominum nostrum etc.

℣. Domine , exaudi orationem meam.

℟. Et clamor meus ad te veniat.

Y. Exaudiat nos omnipotens et
misericors Dominus.

R. Amen.

Y. Fidelium animæ per miseri-
cordiam Dei requiescant in pace.

R. Amen.



SEPTEM PSALMI POENITENTIALES

Cum Orationibus contra septem
vitia Capitalia.

PSALMUS I. POENIT.

Antiph. Ne reminiscaris.

Psalm. 6. *Est pia pœnitentis
precatio.*

DOMINE, ne in furore tuo arguas
me. * neque in ira tua corripias me.
Miserere mei, Domine, quoniam
infirmus sum : * sana me, Domine,
quoniam conturbata sunt ossa mea.

Et anima mea turbata est valde :

* sed tu, Domine, usquequò ?

Converte, Domine, et eripe ani-

maam meam : * saluum me fac prop-
ter misericordiam tuam.

Quoniam non est in morte qui
memor sit tui : * in inferno autem
quis confitebitur tibi ?

Laboravi in gemitu meo, lavabo
per singulas noctes lectum meum :
* lacrymis meis stratum meum ri-
gabo.

Turbatus est à furore oculus meus :
* inveteravi inter omnes inimicos
meos.

Discedite à me omnes qui opera-
mini iniquitatem : * quoniam ex-
audivit Dominus vocem fletûs mei.

Exaudivit Dominus deprecationem
meam : * Dominus orationem meam
suscepit.

Erubescant et conturbentur vehe-
menter omnes inimici mei : * con-
vertantur et erubescant valde velo-
citer.

Gloria Patri, etc.

Oratio contra Superbiam.

HUMILIAVIT semetipsum Dominus noster Jesus Christus, factus obediens usque ad mortem, mortem autem Crucis: et ego vilissimus terræ vermiculus, ego pulvis et cinis, ego peccatorum maximus, qui millies infernum merui, non verear me animo efferre? Propitius esto mihi, Domine: agnosco, et detestor execrabilem arrogantiam meam. Ne, obsecro, cum superbo Lucifero, ejusque asseclis, in gehennæ barathrum me deturbes: convertere, et eripe animam meam: adjuva me, et salvum me fac propter misericordiam tuam. Elegi in posterum abjectus esse in domo Dei mei magis, quàm habitare in tabernaculis peccatorum.
Ps. 83. 11.

PSALMUS II. POENIT.

Psalm. 31, *Beatus, qui à peccato liber est.*

BEATI, quorum remissæ sunt iniquitates, * et quorum tecta sunt peccata.

Beatus vir, cui non imputavit Dominus peccatum : * nec est in spiritu ejus dolus.

Quoniam tacui, inveteraverunt ossa mea, * dum clamarem totâ die.

Quoniam die ac nocte gravata est super me manus tua : * conversus sum in ærumna mea, dum configitur spina.

Delictum meum cognitum tibi feci, * et injustitiam meam non abscondi.

Dixi : Confitebor adversum me injustitiam meam Domino, * et tu remisisti impietatem peccati mei.

Pro hac orabit ad te omnis Sanctus, * in tempore opportuno.

Verumtamen in diluvio aquarum multarum, * ad eum non approximabunt.

Tu es refugium meum à tribulatione ; quæ circumdedit me : * exultatio mea , erue me à circumdantibus me.

Intellectum tibi dabo , et instruam te in via hac , quâ gradieris : * firmabo super te oculos meos.

Noli fieri sicut equus et mulus , * quibus non est intellectus.

In camo et fræno maxillas eorum constringe , * qui non approximant ad te.

Multa flagella peccatoris : * sperantem autem in Domino misericordia circumdabit.

Lætamini in Domino , et exultate justi , * et gloriamini omnes recti corde.

Gloria Patri , etc.

Oratio contra Avaritiam.

QUID mihi est in cœlo , et à te , quid volui super terram , Deus cordis mei , et pars mea , Deus in æternum ? Non satiatur oculus visu , nec auris impletur auditu : satiabor , cùm apparuerit gloria tua. Eheu ! quòd tanto hactenus studio Mammonæ

servivi : Et quid mihi proderit , si universum mundum lucratus fuero , animæ verò meæ detrimentum patiar ? Dormierunt somnum suum omnes viri divitiarum et nihil invenerunt in manibus suis. Confitebor adversum me injustitiam meam Domino , et tu remittes , ut spero , impietatem peccati mei : pauperis in posterum miserebor , malè parta restituam , et tuo me servitio ferventius impendam. Tu , Domine , adjuva me , qui reple in bonis desiderium meum. *Psalm. 102. 5.*

PSALMUS III. POENIT.

Psalm. 37. Describitur miseria peccatoris.

DOMINE , ne in furore tuo arguas me , * neque in ira tua corripias me.

Quoniam sagittæ tuæ infixæ sunt mihi , * et confirmasti super me manum tuam.

Non est sanitas in carne mea à facie iræ tuæ : * non est pax ossibus meis à facie peccatorum meorum.

Quoniam iniquitates meæ supergressæ sunt caput meum, * et sicut onus grave gravatæ sunt super me.

Putruerunt, et corruptæ sunt cicatrices meæ, * à facie insipientiæ meæ.

Miser factus sum, et curvatus sum usque in finem, * totâ die contristatus ingrediebar.

Quoniam lumbi mei impleti sunt illusionibus, * et non est sanitas in carne mea.

Afflictus sum, et humiliatus sum nimis : * rugiebam à gemitu cordis mei.

Domine, ante te omne desiderium meum, * et gemitus meus à te non est absconditus.

Cor meum conturbatum est, dereliquit me virtus mea, * et lumen oculorum meorum, et ipsum non est mecum.

Amici mei, et proximi mei, * adversum me appropinquaverunt, et steterunt.

Et qui juxta me erant, de longè steterunt, * et vim faciebant qui quærebant animam meam.

Et qui inquirebant mala mihi, lo-

cuti sunt vanitates, * et dolos totâ die meditabantur.

Ego autem tamquam surdus non audiebam, * et sicut mutus non aperiens os suum.

Et factus sum sicut homo non audiens, * et non habens in ore suo redargutiones.

Quoniam in te, Domine, speravi : * tu exaudies me, Domine, Deus meus.

Quia dixi : Nequando supergaudeant mihi inimici mei, * et dum commoventur pedes mei, super me magna locuti sunt.

Quoniam ego in flagella paratus sum, * et dolor meus in conspectu meo semper.

Quoniam iniquitatem meam annuntiabo, * et cogitabo pro peccato meo.

Inimici autem mei vivunt, et confirmati sunt super me, * et multiplicati sunt qui oderunt me iniquè.

Qui retribuunt mala pro bonis, detrahebant mihi : * quoniam sequebar bonitatem.

Ne derelinquas me, Domine Deus meus : * ne discesseris à me.

Intende in adiutorium meum, *
Domine Deus salutis meæ.

Gloria Patri, etc.

Oratio contra iram.

Homo homini reservat iram, et à Deo quærit medelam! in hominem similem sibi non habet misericordiam, et de peccatis suis deprecatur! quis exorabit pro delictis illius? His verbis mihi, Domine Deus, loqueris per servum tuum filium Sirach. Et ego post hac iram aut odium contra quemquam fovere audeam. Parce, Domine, parce malitiæ et pertinaciæ meæ, in qua huc usque perseveravi. Ex anima nunc ignosco et remitto, quidquid ullus umquam in me peccavit; supplexque oro, Domine, ne in furore tuo arguas me, neque in ira tua corripas me; utinam tamquam surdus in posterum non audiam, et sicut mutus non aperiarn os meum, quando inimici mei contra me insurgunt, et vim faciunt, qui quærent animam meam. Ne derelinquas me, Domine Deus meus, ne discesseris

a me : quoniam tu es patientia mea.
Psalm. 70 6.

PSALMUS IV. POENIT.

Psalm. 50. Est pia Davidis pœnitentis Oratio.

MISERERE mei , Deus , * secundum magnam misericordiam tuam.

Et secundum multitudinem miserationum tuarum : * dele iniquitatem meam.

Amplius lava me ab iniquitate mea , * et à peccato meo munda me.

Quoniam iniquitatem meam ego cognosco , * et peccatum meum contra me est semper.

Tibi soli peccavi , et malum coram te feci : * ut justificeris in sermonibus tuis , et vincas cum judicaris.

Ecce enim in iniquitatibus conceptus sum , * et in peccatis concepit me mater mea.

Ecce enim veritatem dilexisti : * incerta et occulta sapientiæ tuæ manifestasti mihi.

Asperges me hyssopo , et mundabor : * lavabis me , et super nivem dealbabor.

Auditui meo dabis gaudium et lætitiā, * et exultabunt ossa humiliata.

Averte faciem tuam à peccatis meis, * et omnes iniquitates meas dele.

Cor mundum crea in me, Deus, * et spiritum rectum innova in visceribus meis.

Ne projicias me à facie tua, * et Spiritum sanctum tuum ne auferas à me.

Redde mihi lætitiā salutaris tui, * et spiritu principali confirma me.

Docebo iniquos vias tuas, * et impii ad te convertentur.

Libera me de sanguinibus, Deus, Deus salutis meæ, * et exultabit lingua mea justitiā tuam.

Domine, labia mea aperies, * et os meum annuntiabit laudem tuam.

Quoniam si voluisses sacrificium, dedissem utique : * holocaustis non delectaberis.

Sacrificium Deo spiritus contribulatus : * cor contritum et humilatum, Deus, non despicies.

Benigne fac, Domine, in bona voluntate tua, Sion : * ut ædificentur muri Jerusalem.

Tunc acceptabis sacrificium justitiæ, oblationes, et holocausta : *
tunc imponent super altare tuum vitulos.

Gloria Patri, etc.

Oratio contra Luxuriam.

PATER, peccavi in cœlum, et coram te, et jam non sum dignus vocari filius tuus. Quid faciam miser? Non enim permanebit spiritus tuus in homine, quia caro est. Ah! miserere mei, miserere. Quòd cum tot reproborum millibus, quos hodiè dum abominanda Luxuriæ pestis in gehennam præcipitat, raptus non sim, infinitæ tuæ bonitati adscribo. Ergone iterum peccabo? Iterumne pretiosissimum Sanguinem tuum, ô Jesu! in ablutionem scelerum meorum effusum, amore bestialium voluptatum, conculcabo? Absit, ô Jesu! absit; obsecro te, ô Fili castissimæ Virginis Mariæ; à spiritu fornicationis libera me. Amplius lava me ab iniquitate mea, et à peccato meo munda me. Ne projicias me à facie tua, et Spiritum sanctum tuum ne auferas à me.

PSALMUS V. POENIT.

Psalm. 101. *Oratio est ad aver-
tenda peccati mala.*

DOMINE, exaudiorationem meam,
* et clamor meus ad te veniat.

Non avertas faciem tuam à me :
* in quacumque die tribulor, inclina
ad me aurem tuam.

In quacumque die invocavero te :
* velociter exaudi me.

Quia defecerunt sicut fumus dies
mei, * et ossa mea sicut cremium
aruerunt.

Percussus sum ut fœnum, et aruit
cor meum : * quia oblitus sum co-
medere panem meum.

A voce gemitûs mei, * adhæsit
os meum carni meæ.

Similis factus sum pellicano so-
litudinis : * factus sum sicut nycti-
corax in domicilio.

Vigilavi : * et factus sum sicut pas-
ser solitarius in tecto.

Tota die exprobrabant mihi ini-
mici mei, * et qui laudabant me,
adversum me jurabant.

Quia

Quia cinerem tamquam panem manducabam , * et potum meum cum fletu miscebam.

A facie iræ et indignationis tuæ :
* quia elevans alisisti me.

Dies mei sicut umbra declinaverunt , * et ego sicut fœnum arui.

Tu autem , Domine , in æternum permanes , * et memoriale tuum in generationem et generationem.

Tu exurgens misereberis Sion : * quia tempus miserendi ejus , quia venit tempus.

Quoniam placuerunt servis tuis lapides ejus , * et terræ ejus miserebuntur.

Et timebunt gentes Nomen tuum , Domine , * et omnes Reges terræ gloriam tuam.

Quia ædificavit Dominus Sion , * et videbitur in gloria sua.

Respexit in orationem humilium , * et non sprevit precem eorum.

Scribantur hæc in generatione altera , * et populus qui creabitur , laudabit Dominum.

Quia prospexit de excelso sancto suo : * Dominus de cœlo in terram aspexit.

Ut audiret gemitus compeditorum
* ut solveret filios interemptorum.

Ut annuntient in Sion Nomen Domini , * et laudem ejus in Jerusalem.

In conveniendo populos in unum ,
* et Reges ut serviant Domino.

Respondit ei in via virtutis tuæ :
* paucitatem dierum meorum nuntia mihi.

Ne revoces me in dimidio dierum meorum : * et in generationem et generationem anni tui.

Initio tu , Domine , terram fundasti , * et opera manuum tuarum sunt cœli.

Ipsi peribunt , tu autem permanes , * et omnes sicut vestimentum veterascent.

Et sicut opertorium mutabis eos , et mutabuntur : * tu autem idem ipse es , et anni tui non deficient.

Filii servorum tuorum habitabunt , * et semen eorum in sæculum dirigetur.

Gloria Patri , et Filio , et Spiritui sancto , etc.

Oratio contra Gulam.

ME miserum ! qui te , Dominum Deum , fontem aquæ vivæ reliqui , et mihi fodi cisternas delectationum terrenarum , cisternas dissipatas , quæ continere non valent aquas. Verè oblitus sum comedere panem meum , panem vitæ , omne delectamentum in se habentem , et omnis saporis suavitatem , ventremque porcorum siliquis implere studui : adhuc escæ erant olim in ore filiorum Israël , cùm ira Dei descenderet super eos : et mihi toties est parcitum , qui cibi potûsque intemperantiâ , tuam , Deus , imaginem et similitudinem brutis non rarò similem feci ! utinam imposterum cinerem tamquam panem manducem , et potum meum cum fletu misceam ! cibusque meus sit , tuam in omnibus facere voluntatem , qui torrente voluptatis tuæ potabis nos. *Psalm. 35. 9.*

PSALMUS VI. POENIT.

Psalm. 129. *Ut à culpa et pœna liberemur.*

DE profundis clamavi ad te, Domine : * Domine, exaudi vocem meam.

Fiant aures tuæ intendentes : * in vocem deprecationis meæ.

Si iniquitates observaveris, Domine : * Domine, quis sustinebit?

Quia apud te propitiatio est, * et propter legem tuam sustinui te, Domine.

Sustinuit anima mea in verbo ejus : * speravit anima mea in Domino.

A custodia matutina usque ad noctem, * speret Israël in Domino.

Quia apud Dominum misericordia, * et copiosa apud eum redemptio.

Et ipse redimet Israël, * ex omnibus iniquitatibus ejus.

Gloria Patri, etc.

Oratio contra Invidiam.

Sic, mi Deus, dilexisti mundum, ut Filium tuum unigenitum dares;

ut omnis , qui credit in te , non pereat , sed vitam habeat æternam. Tu solem tuum oriri facis super bonos et malos , et pluis super justos et injustos : et ego , dum aliis benè est , invidiâ exstimuler , omnia mihi ex voto evenire exoptem , proximi tamen vel minima felicitate contrister ? ô inhumana malitia ! ô virus infernale ! Ignosce , clementissime Pater , quod in eo hactenus à me peccatum est misericordia tua. Fac , ut et ego ex hoc momento induam , sicut electus Dei , viscera misericordiæ : benignitatem , et super omnia charitatem habere studeam , quod est vinculum perfectionis. *Coloss.* 3. 14.

PSALMUS VII. POENIT.

Psalm. 142. Pœnitens à via peccati optat reduci.

DOMINE , exaudi orationem meam , auribus percipe obsecrationem meam in veritate tua : * exaudi me in tua justitia.

Et non intres in judicium cum servo

tuo : * quia non justificabitur in conspectu tuo omnis vivens.

Quia persecutus est inimicus animam meam : * humiliavit in terra vitam meam.

Collocavit me in obscuris sicut mortuos sæculi , * et anxius est super me spiritus meus , in me turbatum est cor meum.

Memor fui dierum antiquorum , meditatus sum in omnibus operibus tuis : * in factis manuum tuarum , meditabar.

Expandi manus meas ad te : * anima mea sicut terra sine aqua tibi.

Velociter exaudi me , Domine : * defecit spiritus meus.

Non avertas faciem tuam à me , * et similis ero descendentibus in lacum.

Auditam fac mihi manè misericordiam tuam : * quia in te speravi.

Notam fac mihi viam in qua ambulem : * quia ad te levavi animam meam.

Eripe me de inimicis meis , Domine , ad te confugi : * doce me facere voluntatem tuam , quia Deus meus es tu.

Spiritus tuus bonus deducet me in terram rectam : * propter Nomen tuum, Domine, vivificabis me in æquitate tua.

Educes de tribulatione animam meam, * et in misericordia tua desperdes inimicos meos.

Et perdes omnes qui tribulant animam meam : * quoniam ego servus tuus sum.

Gloria Patri, et Filio, et Spiritui sancto.

Sicut erat in principio, et nunc, et semper, etc.

Antiph. Ne reminiscaris, Domine, delicta nostra, vel parentum nostrorum; neque vindictam sumas de peccatis nostris.

Oratio contra Acediam.

ECQUANDO, mi Deus, ex toto corde meo, ex tota anima mea, et ex omnibus viribus meis, uti par est, te amare et laudare incipiam, qui in charitate perpetua dilexisti me, tibi que me sponsasti in sempiternum : Eheu ! dormitavit anima mea præ tædio. Væ mihi, qui adeo

168 Septem Psalmi pœnitent.

hactenus in tuo servitio fui tepidus ,
ut meritò formidare possim , ne me
incipias evomere ex ore tuo. Sed
parce , Domine : non intres in ju-
dicium cum servo tuo , quia non
justificabitur in conspectu tuo om-
nis vivens. Expande manus meas
ad te : anima mea sicut terra sine
aqua tibi. Velociter exaudi me , Do-
mine ; defecit spiritus meus. Spiritus
autem tuus bonus deducet me in
terram rectam. Et propter Nomen
tuum , Domine , vivificabis me. *Ps.*
42. 11.



PIA SUSPIRIA,

*Ex sacra Scriptura deprompta,
quorum usus in Templo et
domi quovis tempore esse po-
terit.*

I. *Ad impetrandam remissionem peccatorum.*

PECCA VI, quid faciam tibi, ô cus-
tos hominum? Quare posuisti me
contrarium tibi, et factus sum mi-
himet ipsi gravis? *Job. 7. 20.*

Dimittam adversum me eloquium
meum; loquar in amaritudine animæ
meæ, dicam Deo: Noli me con-
demnare. *Job. 10. 1, 2.*

Vide humilitatem meam, et la-
borem meum: et dimitte universa
delicta mea. *Psal. 24. 19.*

Delicta juventutis meæ, et igno-
rantias meas ne memineris, Domine.
Ps. 24. 7.

Respice in me, et miserere mei.
Psal. 24. 17.

Miserere mei, Domine, sana me, quia peccavi tibi. *Psalm.* 40 4.

Miserere mei, Deus, secundum magnam misericordiam tuam. *Ps.* 50. 1.

Ne projicias me à facie tuâ, et Spiritum sanctum tuum ne auferas à me. *Ibid.* 5. 12.

Deus, tu scis insipientiam meam, et delicta mea à te non sunt abscondita. *Psalm.* 68. 7.

Veniant mihi miserationes tuæ, et vivam. *Psalm.* 118. 77.

Erravi sicut ovis, quæ periit : quære servum tuum. *Ibid.* 5. 176.

Ne intres in judicium cum servo tuo : quia non justificabitur in conspectu tuo omnis vivens. *Psalm.* 142. 2.

Domine, Pater noster es tu, nos verò lutum : ne irascaris, Domine, satis : et ne ultrà memineris iniquitatis nostræ. *Isaïæ* 64. 8, 9.

Quis dabit capiti meo aquam, et oculis meis fontem lacrymarum, ut fleam die ac nocte ? *Jerem.* 9. 1.

Quare in perpetuum oblivisceris nostri, derelinques nos in longitudine dierum ? converte nos, Domine, ad te, et convertemur. *Thren.* 5. 20, 21.

Surgam, et ibo ad Patrem meum .
et dicam ei : Pater, peccavi in cœ-
lum, et coram te, jam non sum
dignus vocari filius tuus. *Luc. 15. 18.*

Jesu, fili David, miserere mei. *Luc. 18. 38.*

II. *Ad impetrandam humili- tatem.*

VILIOR fiam plusquàm factus sum :
et ero humilis in oculis meis. 2. *Reg. 6. 22.*

Quantus ergo sum ego, et res-
pondeam ei, et loquar verbis meis
cum eo. *Job. 9. 14.*

Memoria mea comparabitur cineri,
et redigentur in lutum cervices meæ.
Job. 13. 12.

Quasi putredo consumendus sum,
et quasi vestimentum quod come-
ditur à tineâ. *Ibid. 17. 28.*

Putredini dixi : Pater meus es, et
soror mea vermibus. *Job. 17. 14.*

Ego autem sum vermis et non
homo : opprobrium hominum et ab-
jectio plebis. *Psal. 21. 6.*

Quid est homo, quòd memor es
ejus, aut filius hominis quoniam vi-
sitas eum? *Psal. 8. 5.*

Bonum mihi quia humiliasti me.
Psalm. 118. 71.

Humiliavit semetipsum Dominus noster Jesus Christus, factus obediens usque ad mortem, mortem autem Crucis. *Phil.* 2. 8. Et ego superbiam?

III. *Ad vitæ hujus cognitionem.*

PEREGRINI SUMUS, Domine, coram te, et advenæ, sicut omnes Patres nostri: Dies nostri quasi umbra super terram, et nulla est mora. 1. *Par.* 29 15.

Parce mihi, Domine, nihil, enim sunt dies mei. *Job.* 7. 16.

Numquid non paucitas dierum meorum finietur brevi? dimitte me igitur, ut plangam paululum dolorem meum. *Job.* 10. 20.

Paucitatem dierum meorum nuntia mihi. Ne revoces me in dimidio dierum meorum. *Psalm.* 101. 24. 25.

Domine, secundum voluntatem tuam fac mecum, et præcipe in pace recipi spiritum meum: expedit enim mihi mori magis, quàm vivere. *Tob.* 3. 6.

Moriatur anima mea morte justorum, et fiant novissima mea horum similia. *Num. 23. 10.*

IV. In angustiis et animi mœrore.

SANA me, Domine, quoniam conturbata sunt ossa mea : et anima mea turbata est valde. *Psalm. 6.*

Arui, tamquam testa, virtus mea : et lingua mea adhæsit faucibus meis : et in pulverem mortis deduxisti me. *Psalm. 21. 16.*

Defecit in dolore vita mea, et anni mei in gemitibus. *Psalm. 30. 12.*

Vide humilitatem meam, et laborem meum, et dimitte universa delicta mea. *Psalm. 24. 19.*

Domine, ante te omne desiderium meum, et gemitus meus à te non est absconditus. *Psalm. 37. 9.*

Quare tristis es anima mea, et quare conturbas me ? Spera in Deo. *Psalm. 42. 5, 6.*

Cor contritum et humiliatum, Deus, non despicies. *Psalm. 50. 18.*

Lætifica animam servi tui, quoniam ad te, Domine, animam meam levavi. *Psalm. 85. 3.*

Velociter exaudi me, Domine, defecit spiritus meus. Non avertas faciem tuam à me, et similis ero descendentibus in lacum. *Psalm.* 142. 7, 8.

Laboravi in gemitu meo, et requiem non inveni. *Jerem.* 45. 3.

Domine, multi gemitus mei, et cor meum inœrens. *Thren.* 1. 22.

Tristis est anima mea usque ad mortem. *Matth.* 26. 38.

Redde mihi lætitiā salutaris tui. *Psalm.* 50. 13.

V. *Ad exercendam resignationem.*

DOMINUS est, quod bonum est in oculis suis faciat. 1. *Reg.* 3. 18.

Si dixerit mihi : Non places, præstò sum, faciat quod bonum est coram se. 2. *Reg.* 15. 26.

Paratum cor meum, Deus, paratum cor meum. *Psalm.* 56. 10.

Sicut fuerit voluntas in cœlo, sic fiat. 1. *Mach.* 3. 60.

Fiat voluntas tua. *Matth.* 26. 42.

Domine, quid me vis facere? *Act.* 9. 6.

VI. *Ad patientiam impetrandam.*

DOMINUS dedit, Dominus abstulit: sicut Domino placuit, ita factum est: sit Nomen Domini benedictum.
Job. 1. 21.

Si bona suscepimus de manu Domini, mala quare non suscipiamus?
Job. 2. 10.

Quis ego sum, ut contradicam Domino meo? *Judith 12. 15.*

Dominus præcepit, et quis audet rogare, quare sic fecerit? *2. Reg. 16. 10.*

Quoniam ego in flagella paratus sum, et dolor meus in conspectu meo semper. *Psalms. 37. 18.*

Calicem salutaris accipiam, et Nomen Domini invocabo. *Psalms. 115. 4.*

VII. *Adversus tentationes.*

QUOMODÒ possum hoc malum facere, et peccare in Deum meum?
Gen. 39. 9.

Propitiùs sit mihi Dominus, ne faciam hanc rem. *1. Reg. 24. 7.*

Confirma me, Domine Deus, in hac hora. *Judith.* 13. 9.

Miserere mei, Domine, quoniam infirmus sum. *Ps.* 6. 2.

In te eripiar à tentatione. *Ps.* 17. 32.

Salvum me fac Deus; quoniam intraverunt aquæ usque ad animam meam. *Psalm.* 68. 1.

Eripe me de luto, ut non infigar. *Psalm.* 17. 18.

Ne tradas bestiis animas confidentes tibi: et animas pauperum tuorum ne obliviscaris in finem. *Psalm.* 73. 20.

Nisi quia tu, Domine, adjuvisti me, paulo minus habitasset in inferno anima mea. *Psalm.* 93. 17.

Averte oculos meos, ne videant vanitatem. *Psalm.* 118. 37.

Omne desiderium averte à me, aufer à me ventris concupiscentias, et concubitus concupiscentiæ: ne apprehendant me, et animæ irreverenti et infrunitæ ne tradas me. *Eccli.* 23. 6.

Melius est mihi absque opere incidere in manus hominum, quàm peccare in conspectu Domini. *Dan.* 13. 23.

Et

Et ne nos inducas in tentationem ,
sed libera nos à malo. *Matth.* 6. 13.

VIII. *Ad fiduciam exercendam.*

ETIAMSI occiderit me , in ipso spe-
rabo. *Job.* 13. 15.

Domine , pone me juxta te , et
cujusvis manus pugnet contra me.
Job. 17. 3.

Deus meus in te confido , non eru-
bescam. *Psal.* 24.

Etsi ambulavero in medio um-
bræ mortis , non timebo mala : quo-
niam tu mecum es. *Psal.* 22.

In te , Domine , speravi , non
confundar in æternum. *Psal.* 30. 1.

Mihi autem adhærere Deo bonum
est : ponere in Domino Deo spem
meam. *Ps.* 72. 27.

Dominus mihi adjutor : non timebo ,
quid faciat mihi homo. *Psal.* 117. 6.

Domine , fortitudo mea et robur
meum , et refugium meum in die
tribulationis. *Jerem.* 16.

IX. *Exercitium timoris Dei.*

DIMITTE me, ut plangam paululum dolorem meum : antequam vadam, et non revertar ad terram tenebrosam, et opertam mortis caligine : terram miseriæ et tenebrarum, ubi umbra mortis, et nullus ordo : sed sempiternus horror inhabitat. *Job. 10. 20.*

Quis mihi hoc tribuat, ut in inferno protegas me, et abscondas me, donec pertranseat furor tuus, et constituas mihi tempus, in quo recorderis mei. *Job. 14. 13.*

Quid faciam cum surrexerit ad judicandum Deus? et cum quæsierit, quid respondebo illi? *Job. 31. 14.*

Semper quasi tumentes super me fluctus timui Deum, et pondus ejus ferre non potui. *Ibid. x. 23.*

Dolores inferni circumdederunt me, præoccupaverunt me laquei mortis. *Psalms. 17. 6.*

Confige timore tuo carnes meas; à judiciis enim tuis timui. *Psalms. 118. 120.*

X. Ad cautelam in loquendo.

DIXI : Custodiam vias meas ; ut non delinquam in lingua mea , ponam ori meo custodiam. *Psalm.* 38.

Pone , Domine , custodiam ori meo , et ostium circumstantiæ labiis meis. *Psalm.* 104. 3.

Quis dabit ori meo custodiam , et super labia mea signaculum certum , ut non cadam ab ipsis , et lingua mea perdat me ? *Eccli.* 22. 33.

Si quis in verbo non offendit , hic perfectus est vir. *Jacobi* 3. 2.

XI. Ad cognoscendam Dei voluntatem in rebus dubiis : maxime in eligendo vitæ statu.

LOQUERE , Domine : quia audit servus tuus. 1. *Reg.* 3.

Vias tuas , Domine , demonstra mihi , et semitas tuas edoce me. *Psalm.* 24. 4.

Perfice gressus meos in semitis tuis , ut non moveantur vestigia mea. *Psalm.* 16. 6.

Emitte lucem tuam, et veritatem tuam. *Psalm.* 42.

Paratum cor meum, Deus, paratum cor meum. *Psalm.* 56.

Deus, misereatur nostri, et benedicat nobis : illuminet vultum suum super nos, et misereatur nostri. *Psalm.* 66. 1.

Deduc me, Domine, in via tua, et ingrediar in veritate tua. *Psalm.* 85. 10.

Gressus meos dirige secundum eloquium tuum, et non dominetur mei omnis injustitia. *Psalm.* 118.

Notam fac mihi viam in qua ambulem : quia ad te levavi animam meam. *Psalm.* 142. 10.

Doce me facere voluntatem tuam, quia Deus meus es tu. *Ibid.* *Y.* 11.

Domine, quid me vis facere. *Act.* 9. 6.

XII. *Postquam statuimus Deo servire,*

DIRUPISTI vincula mea, tibi sacrificabo hostiam laudis : Vota mea Domino reddam in conspectu omnis populi. *Psalm.* 115. 7, 8.

Converte, anima mea, in requiem

tuam : quia Dominus benefecit tibi.
Psalm. 114. 7.

Elegi abjectus esse in domo Dei mei magis, quàm habitare in tabernaculis peccatorum. *Psalm. 83. 11.*

Amodo voca me : Pater meus tu es. *Jerem. 3. 4.*

XIII. *Ad divinæ præsentiae
recordationem.*

DIRIGE in conspectu tuo viam meam. *Psalm. 5. 9.*

Quò ibo à spiritu tuo? et quò à facie tua fugiam? si ascendero in cœlum, tu illic es : si descendero in infernum, ades : si sumpsero pennas meas diluculo, et habitavero in extremis maris : etenim illuc manus tua deducet me, et tenebit me dextera tua. *Psalm. 138. 6.*

Oculi tui, Domine, multò plus lucidiores sunt super solem, circumspicientes omnes vias hominum, et profundum abyssi ; et hominum corda intuentes in absconditas partes. *Eccli. 23.*

Oculi tui aperti sunt super omnes vias filiorum Adam, ut reddas uni-

cuique secundum vias suas, et secundum fructum ad inventionem ejus.
Jerem. 16. 17.

XIV. *Laus Dei, et gratiarum Actio.*

DOMINE, Deus meus, in æternum confitebor tibi. *Psalm. 29. 15.*

Omnia ossa mea dicent: Domine, quis similis tibi? *Psalm. 34. 11.*

Repleatur os meum laude ut cantem gloriam tuam: tota die magnitudinem tuam. *Psalm. 70. 9.*

Benedic, anima mea, Domino; et omnia quæ intra me sunt, Nomini sancto ejus: Benedic, anima mea, Domino: et noli oblivisci omnes retributiones ejus. *Psalm. 102. 1.*

Non nobis, Domine, non nobis, sed Nomini tuo da gloriam. *Psalm. 113. 9.*

Quid retribuam Domino pro omnibus, quæ retribuit mihi? *Psalm. 115. 3.*

Confitebor tibi, Domine, quoniam exaudisti me: et factus es mihi in salutem. *Psalm. 117. 28.*

XV. *Amor Dei et Cœlestis gloriæ.*

SI inveni gratiam in conspectu tuo, Domine, ostende mihi faciem tuam. *Exod. 33. 13.*

Unam petii à Domino, hanc requiram, ut inhabitem in domo Domini omnibus diebus vitæ meæ ut videam voluptatem Domini, et visitem Templum ejus. *Psalm. 26. 7, 8.*

Tibi dixit cor meum, exquisivit te facies mea: faciem tuam, Domine, requiram. *Ibid. 13.*

Quemadmodum desiderat cervus ad fontes aquarum: ita desiderat anima mea ad te, Deus. Sitivit anima mea ad Deum, fontem vivum: quando veniam, et apparcbo ante faciem Dei? *Ps. 14.*

Quis mihi dabit pennas, sicut columbæ, et volabo et requiescam? *Psalm. 54. 6.*

Quid mihi est in cœlo, et à te quid volui super terram? Defecit caro mea, et cor meum, Deus cordis mei, et pars mea Deus in æternum. *Psalm. 72.*

Quam dilecta tabernacula tua,
Domine, virtutum! concupiscit et
deficit anima mea in atria Domini.
Cor meum et caro mea exultaverunt
in Deum vivum. *Psalm.* 83. 1.

.. Beati qui habitant in domo tua,
Domine : in sæcula sæculorum lau-
dabunt te. *Ibid.* y. 5.

Melior est dies una in atriis tuis
super millia. *Ibid.* y. 10.

Heu mihi, quia incolatus meus
prolongatus est. *Psalm.* 119. 5.

Educ de custodia animam meam
ad confitendum Nomini tuo. *Psalm.*
141. 10.

Indica mihi quem diligit anima
mea, ubi pascas, ubi cubes in me-
ridie? *Cant.* 1. 6.

Anima mea desideravit te in nocte.
Isaie 26. 9.

Infelix ego homo, quis me libe-
rabit de corpore mortis hujus? *Rom.*
7. 24.

Cupio dissolvi, et esse cum Christo.
Phil. 1. 23.

ORATIONES JACULATORIÆ.

Cùm domo vel Collegio egrederis.

DIRIGE, Domine, in conspectu tuo viam meam. *Psalm. 5.*

Dum Templum prætergrederis.

Sancte N., Sancta N., ora pro nobis.

Ante locum, in quo asservatur venerabile Sacramentum, detecto submissoque capite, dic:

Adoramus te, Christe, et benedicimus tibi.

Dum transis cœmeterium.

Requiem æternam dona eis, Domine, et lux perpetua luceat eis.

Dum vides funus, puta tibi suggeri: et vos estote parati, quia quâ horâ non putatis, filius hominis veniet. Lucæ 12.

Egonis occurrens.

Quid retribuam Domino pro omnibus, quæ retribuit mihi? *Ps. 115.*

Dum ludis.

Adhæreat lingua mea faucibus meis, si non meminero tui, bone Jesu, si non proposuero te in principio lætitiæ meæ.

Dum iter ingrederis.

In viam pacis et prosperitatis dirigat nos omnipotens et misericors Dominus: et Angelus Raphaël comitetur nobiscum in via, ut cum pace, salute et gaudio revertamur ad propria.

Dum ambulas.

Providebam Dominum in conspectu meo semper. *Psalm. 15.*

Averte oculos meos ne videant vanitatem: in via tua vivifica me. *Psalm. 118.*

*Circumspiciendo per Campos ;
per Urbem.*

Omnia clamant , ut amem te
Domine , nec cessant omnibus idem
acclamare , ut nemo possit excu-
sari. *Aug.*

*Dum sedes ad focum . vel
hypocaustum.*

O ignis , qui semper ardes et
nunquam extingueris ; accende me !
Aug.

Cùm ad peccandum tentaris.

Deus in adjutorium meum in-
tende ; Domine , ad adjuvandum
me festina. *Psal. 69.*

Cor mundum crea in me ; Deus ,
et spiritum rectum innova in vis-
ceribus meis. *Ps. 50.*

Et ne nos inducas in tentatio-
nem ; sed libera nos à malo. Amen.

Virgo singularis ,
Inter omnes mitis ,
Nos culpis solutos ,
Mites fac et castos.

Ante Confessionem.

Pater , peccavi in cœlum et coram te , jam non sum dignus vocari filius tuus ; fac me sicut unum de mercenariis tuis. *Luc. 15.*

Post Confessionem.

Delictum meum cognitum tibi feci : et injustitiam meam non abscondi. *Psal. 31.*

Dele, Domine , iniquitatem meam. *Psal. 50.*

Eundo ad Communionem.

O sacrum Convivium , in quo Christus sumitur , recolitur memoria passionis ejus , mens impletur gratiâ , et futuræ gloriæ nobis pignus datur.

A Vesperis Sabbati ante Dominicam 1. Adventûs , usque ad Purificationem inclusivè , Antiph.

Alma Redemptoris Mater , quæ pervia cœli

Porta manes , et stella maris succurre cadenti ,

Surgere qui curat , populo : tu quæ genuisti ,

Natura mirante , tuum sanctum Genitorem ,

Virgo prius ac posterius Gabriëlis ab ore

Sumens illud ave , peccatorum miserere.

In Adventu. Angelus Domini nuntiavit Mariæ.

Et concepit de Spiritu sancto.

OREMUS.

Gratiam tuam , quæsumus , Domine , mentibus nostris infunde : ut qui , Angelo nuntiante , Christi filii tui Incarnationem cognovimus , per passionem ejus et crucem ad Resurrectionis gloriam perducamur. Per eundem Christum Dominum nostrum. *D. Amen.*

A primis Vesperis Nativitatis et deinceps.

℣. Post partum Virgo inviolata permansisti,

R. Dei Genitrix , intercede pro nobis.

OREMUS.

Deus , qui salutis æternæ , beatæ Mariæ virginitate fœcundâ , humano generi præmiâ præstitisti : tribue , quæsumus , ut ipsam pro nobis intercedere sentiamus , per quam meruimus auctorem vitæ suscipere , Dominum nostrum Jesum Christum filium tuum. Amen.

Post purificationem , id est à fine completorii illius diei inclusive , usque ad feriam quintam in Cœna Domini exclusive , Antiphona :

AVE Regina cœlorum ,
Ave Domina Angelorum ,
Salve radix , salve porta ,
Ex qua mundo lux est orta :
Gaude Virgo gloriosa ,
Super omnes speciosa :
Vale ô valdè decora ,
Et pro nobis Christum exora.

V. Dignare me laudare te Virgo sacrata.

R. Da mihi virtutem contra hostes tuos.

OREMUS.

Concede, misericors Deus, fragilitati nostræ præsidium: ut, quæ sanctæ Dei Genitricis memoriam agimus, intercessionis ejus auxilio à nostris iniquitatibus resurgamus; per eundem Christum Dominum nostrum. Amen.

A Completorio Sabbati sancti usque ad Nonam Sabbati post Pentecosten inclusive Antiphona:

REGINA cœli lætare, alleluia.
Quia quem meruisti portare, alleluia.

Resurrexit, sicut dixit, alleluia.

Ora pro nobis Deum, alleluia.

Y. Gaude et lætare Virgo Maria, alleluia.

R. Quia surrexit Dominus verè, alleluia.

OREMUS.

Deus, qui per Resurrectionem Filii tui Domini nostri Jesu Christi

mundum lætificare dignatus es : præsta , quæsumus , ut per ejus Genitricem virginem Mariam perpetuæ capiamus gaudia vitæ : Per eundem Christum Dominum nostrum. Amen.

*A primis Vesperis Trinitatis
usque ad Nonam Sabbati ante
Adventum , Antiphona :*

SALVE Regina , Mater misericordiæ , vita , dulcedo , et spes nostra salve. Ad te clamamus exules , filii Evæ. Ad te suspiramus gementes et flentes in hac lacrymarum valle. Eia ergo Advocata nostra : illos tuos misericordes oculos ad nos converte. Et Jesum benedictum fructum ventris tui , nobis post hoc exilium ostende. O clemens , ô pia , ô dulcis Virgo Maria.

℟. Ora pro nobis , sancta Dei Genitrix.

℞. Ut digni efficiamur promissionibus Christi.

OREMUS

OREMUS.

Omnipotens sempiterne Deus, qui gloriosæ Virginis Matris Mariæ corpus et animam, ut dignum Filii tui habitaculum effici mereretur, Spiritu sancto cooperante, præparasti: da, ut cujus commemoratione lætatur, ejus piâ intercessionem ab instantibus malis et à morte perpetuâ liberemur. Per eundem Christum Dominum nostrum. Amen.

THRENUS

S. AUGUSTINI,

*Tam pro privatis, quàm publicis
necessitatibus.*

ANTE oculos tuos, Domine, culpas nostras ferimus, et plagas, quas accepimus, conferimus.

Si pensamus malum, quod feci-

R

minus, minus est, quod patimur, majus est, quod meremur.

Gravius est, quod commisimus: levius, quod toleramus.

Peccati poenam sentimus, et peccandi pertinaciam non vitamus.

In flagellis tuis infirmitas nostra teritur, et iniquitas non mutatur.

Mens ægra torquetur, et cervix non flectitur.

Vita in dolore suspirat, et in opere non se emendat.

Si expectas, non corrigimur: si vindicas, non duramus.

Confitemur in correctione, quod egimus: obliviscimur post visitationem quod flevimus.

Si extenderis manum, facienda promittimus: si suspenderis gladium, promissa non solvimus.

Si ferias, clamamus ut parcas: si peperceris, iterum provocamus, ut ferias.

Habes, Domine, confitentes reos: novimus, quod nisi dimittas, recte nos perimas.

Præsta, Pater omnipotens, sine merito, quod rogamus: qui fecisti ex nihilo, qui te rogarent. Per Christum Dominum nostrum. Amen.

Ÿ. Domine , exaudi orationem meam.

R. Et clamor meus ad te veniat.

OREMUS.

PRÆSTA , quæsumus , omnipotens Deus , ut nullis nos permittas perturbationibus concuti , quos in Apostolicæ confessionis petra solidasti , et tot millium Martyrum intercessionem tibi obligasti. Per Dominum etc.

*Oratio ad Spem excitandam
contra desperationem.*

S. August. Cap. 13. Med.

PECCAUI , Domine , peccatum grande , et multorum sum mihi conscius delictorum ; sed nec sic despero , quoniam ubi abundaverunt delicta , superabundavit et gratia : qui de venia peccatorum suorum desperat , negat te Deum esse misericordem. Magnam injuriam tibi facit , qui de tua misericordia diffidit. Non possum terreri multitudine peccatorum , si mors tua , Do

R 2

mine Jesu , in mentem meam venerit. Clavi et Lancea clamant mihi , quòd tibi reconciliatus sum , si te amavero , Longinus aperuit mihi Latus tuum , et ego intravi , et ibi requiesco securus ; nullum tam potens amoris erga te incitamentum est , quàm mors tua , mi Jesu , quâ me redemisti. Inclinas Caput tuum in mortè , ut osculum mihi , quamvis peccatori , des : extendis brachia tua in Cruce , et expandis manus tuas , paratus in amplexus meos. Inter brachia tua et vivere volo , et mori cupio. Amen.

*Oratio S. Thomæ Aquinatis ,
quâ virtutes Christiani hominis
petuntur.*

CONCEDE mihi , misericors Deus , quæ tibi placita sunt , ardentè concupiscere , prudenter investigare , veraciter agnoscere , perfectè adimplere ad laudem et gloriam Nominis tui. Ordina statum meum : et quod à me requiris ut faciam , tribue ut sciam ; et da exequi sicut oportet , et expedit animæ meæ. Da

mihi, Domine, Deus meus inter prospera et adversa non deficere: ut in illis non extollar, in istis non deprimar: de nullo gaudeam vel doleam, nisi quod ducat ad te, vel abducatur à te: nulli placere appetam, vel displicere timeam, nisi tibi. Vilescant mihi, Domine, omnia transitoria, et chara mihi sint omnia tua propter te, et tu, Deus, præter omnia. Tædeat me gaudium quod est sine te: nec aliquid cupiam quod est extra te. Delectet me, Domine, labor qui est pro te: et tædiosa sit mihi omnis quies, quæ est sine te. Frequenter da mihi, Domine, cor ad te dirigere, et in defectione mea cum emendationis proposito dolendo pensare. Fac me, Domine Deus, obedientem sine contradictione, pauperem sine defectione, castum sine corruptione, patientem sine inurmuratione, humilem sine fictione, et hilarem sine dissolutione, tristem sine dejectione, maturum sine gravitate, agilem sine levitate, timentem sine desperatione, veracem sine duplicitate, operantem bona sine præsumptione, proximum cor,

198 *Oratio S. Thomæ Aquin.*

rigere sine elatione, ipsum ædificare verbo et exemplo sine simulatione. Da mihi, Domine Deus, cor pervigil, quod nulla abducat à te curiosa cogitatio: da nobile, quod nulla deorsum trahat indigna affectio: da rectum, quod nulla seorsum obliquet sinistra intentio: da invictum, quod nulla frangat tribulatio: da liberum, quod nulla sibi vendicet perversa et violenta affectio. Largire mihi, Domine Deus meus, intellectum te cognoscentem, diligentiam te quærentem, sapientiam te invenientem, conversationem tibi placentem, perseverantiam te fideliter expectantem, et fiduciam te finaliter amplectentem; tuis pœnis configi per pœnitentiam: tuis beneficiis uti in via per gratiam, et tandem tuis gaudiis in patria perfrui per gloriam. Per Dominum nostrum Jesum Christum Filium tuum, qui tecum vivit et regnat in sæcula sæculorum. Amen.

PIÆ PETITIONES

S. AUGUSTINI,

Tardè, et cum aliqua consideratione recitandæ.

DOMINE Jesu, noverim me, noverim te,

Nec aliquid cupiam nisi te,
Oderim me, et amem te :

Omnia agam propter te.

Humilem me, exaltem te.

Nihil cogitem nisi te.

Mortificem me, et vivam in te,

Quæcumque eveniant accipiam à te.

Persequar me, sequar te :

Semperque optem sequi te.

Fugiam me, confugiam ad te,

Ut merear defendi à te.

Timeam mihi, timeam te :

Et sim inter electos à te.

Diffidam mihi, fidam in te :

Obedire velim propter te.

Ad nihil afficiar, nisi ad te,

Et pauper sim propter te.

Aspice me, ut diligam te.

Voca me, ut videam te.
Et in æternum fruam te.
Amen.

OREMUS.

ABSORBEAT, quæsumus, Domine Jesu Christe, mentem meam ignita et melliflua vis amoris tui ab omnibus, quæ sub cælo sunt, ut amore amoris tui moriar, qui amore amoris mei dignatus es in ligno Crucis mori. Qui vivis et regnas cum Deo Patre in unitate Spiritûs sancti Deus, per omnia sæcula sæculorum. Amen.

*Oratio S. Francisci Xaverii, pro
conversione gentium, hæretico-
rum et peccatorum.*

ÆTERNE rerum omnium effector Deus, memento abs te animas infidelium, hæreticorum, et peccatorum procreatas, easque ad imaginem et similitudinem tuam conditas. Ecce, Domine, in opprobrium tuum his ipsis infernus impletur. Memento Jesum dilectum Filium tuum pro il-

larum salute atrocissimam subiisse necem : noli quæso , Domine , ultrà permittere , ut Filius tuus ab infidelibus , hæreticis , et peccatoribus contemnatur ; sed precibus sanctorum Virorum , et Ecclesiæ sanctissimæ Filii tui Sponsæ placatus , recordare misericordiæ tuæ , et oblitus idololatriæ , infidelitatis , contumaciæ et malitiæ eorum ; effice ut ipsi quoque agnoscant , timeant , ac diligant aliquando , quem misisti , Dominum nostrum Jesum Christum , qui est salus , vita et resurrectio nostra , per quem salvati et liberati sumus , cui sit gloria per infinita sæcula sæculorum. Amen.





PRECES

PRO ELIGENDO

VITÆ STATU.

I. ORATIO.

*Ad Deum Patrem, pro divina
Sapientia et Spiritu sancto im-
petrando. Ex Lib. Sapientiæ
Cap. 9.*

OMNIPOTENS æternæ Deus, qui fecisti omnia verbo tuo, et sapientiâ tuâ constituisti hominem. Mitte illam de sedibus sanctis tuis, et à sede magnitudinis tuæ, ut mecum sit, et mecum laboret, ut sciam, quid acceptum sit apud te. Quis enim hominum poterit scire consilium Dei? aut quis poterit cogitare quid velit Deus? cogitationes enim mortalium timidæ, et incertæ providentiæ nostræ. Corpus enim

quod corrumpitur, aggravat animam, et terrena inhabitatio deprimat sensum multa cogitantem. Sensum autem tuum quis sciet, nisi tu dederis *Sapientiam*, et miseris Spiritum sanctum tuum de altissimis, et sic correctæ sint semitæ eorum, qui sunt in terris.

HYMNUS.

Veni, S. Spiritus, etc. *vide pag.* 102.

II. ORATIO.

Ad Jesum, quâ quis se indifferenter ad omnes status offert.

ECCE, mi Jesu, ad omnes status indifferentem me tibi sisto, illum promptus amplectar, ad quem tu me vocaveris, vis tu de terra mea, de cognatione, de domo patris exeam? paratum cor meum. Nec patria, nec cognati, nec opes, nec voluptates me tenebunt. Vis ut abdicatis omnibus in Religiosa paupertate, castitate, et obedientia tibi serviam; paratum cor meum. Vis me in Ec-

clesiastico statu vivere : paratum cor meum. Sed ad hunc, oro, neque viis illicitis me pervenire, neque turpiter in eo sinas vivere. Præproperâ me potiùs morte ad te ex hoc mundo evoca. Vis ut cœlibem in seculo vitam, aut honestum conjugium subeam? Da ostensionem beneplaciti tui, paratum cor meum. Ad læta et tristia, ad suavia et aspera me offero. Tecum paratus sum, et in carcerem et in mortem ire. *Luc. 22. 33.*

III. ORATIO.

Ad B. Virginem.

AD te, ô Stella maris, inter instabiles hujus vitæ fluctus, oculos meos levo. Dirige, ô Mater æternæ lucis, cor meum ad polum suum, Filium tuum Dominum nostrum Jesum Christum, et deduc me ad talem vitæ statum, in quo eidem Filio tuo dignè serviam, et denique optatum cœlestis patriæ portum obtineam. Amen.

IV. ORATIO.

Ad Angelum Custodem.

O Mi Angele, cujus tutelæ à Deo sum traditus, ó Dux et Comes peregrinationis meæ; adesto mihi in gravissimo hoc salutis meæ negotio: ostende viam, quam eligam, ut finem meum, ad quem creatus sum, hoc est, æternam beatitudinem consequar, et unà tecum Deum meum æternum intueri et laudare merear. Amen.

V. ORATIO.

Pro perseverantia in concepto bono proposito.

O Benignissime Deus, ostendisti mihi viam in qua ambulem; judicia tua et leges manifestasti mihi, nimirum in statu hoc.... me tibi vis servire: gratiam, oro, impertire, ut huic meo proposito constanter insistam, atque æternam salutem consequar. Amen.

HYMNUS.

VENI , Creator Spiritus ,
Mentes tuorum visita.

Imple supernâ gratiâ ,
Quæ tu creâsti pectora.

Qui diceris Paraclitus ,
Altissimi donum Dei ,
Fons vivus , ignis , charitas ,
Et spiritalis unctio.

Tu septiformis munere ,
Digitus paternæ dexteræ ,
Tu ritè promissum Patris ,
Sermone ditans guttura.

Accende lumen sensibus ,
Infunde amorem cordibus ,
Infirma nostri corporis
Virtute firmans perpeti .

Hostem repellas longius ,
Pacemque dones protinus ;
Ductore sic te prævio
Vitemus omne noxium.

Per te sciamus da Patrem ,
Noscamus atque Filium ,
Teque utriusque Spiritum
Credamus omni tempore.

Deo Patri sit gloria ,
Et Filio , qui à mortuis
Surrexit , ac Paraclito ,
In sæculorum sæcula. Amen.

ORATIO.

O Amor Patris et Filii, Spiritus sancte Deus, qui, ex abundantia charitatis, B. Mariam in sponsam eligere, et ad salutem humani generis cœlitus fœcundare dignatus es; corda nostra tibi charitate conjunge; ut illum, qui tuâ cooperatione nobis à Patre per Virginem datus est, unâ tecum et cum Patre semper diligere valeamus. Amen.

HYMNUS

SS. Ambrosii et Augustini.

TE Deum laudamus: te Dominum confitemur.

Te æternum Patrem, omnis terra veneratur.

Tibi omnes Angeli: tibi Cœli, et universæ Potestates.

Tibi Cherubim et Seraphim incessabili voce proclamant:

Sanctus, Sanctus, Sanctus Dominus Deus Sabaoth.

Pleni sunt Cœli et Terra, Majestatis gloriæ tuæ.

Te gloriosus Apostolorum chorus.

Te Prophetarum laudabilis numerus.

Te Martyrum candidatus laudat exercitus.

Te per orbem terrarum, sancta confitetur Ecclesia.

Patrem immensæ Majestatis.

Venerandum tuum verum et unicum Filium.

Sanctum quoque Paraclitum Spiritum.

Tu Rex gloriæ, Christe.

Tu Patris sempiternus es Filius.

Tu ad liberandum suscepturus hominem, non horruisti Virginis uterum.

Tu devicto mortis aculeo, aperuisti credentibus regna cœlorum.

Tu ad dexteram Dei sedes, in gloria Patris.

Judex crederis esse venturus.

Te ergo quæsumus, famulis tuis, subveni: quos pretioso Sanguine redemisti.

Æternâ fac cum sanctis tuis in gloria numerari.

Salvum fac populum tuum, Domine: et benedic hæreditati tuæ.

Et rege eos, et extolle illos usque in æternum.

Per singulos dies benedicimus te.
Et laudamus nomen tuum in sæ-
culum : et in sæculum sæculi.

Dignare, Domine, die isto, sine
peccato nos custodire.

Miserere nostrî, Domine; mise-
rere nostrî.

Fiat misericordia tua, Domine,
super nos; quemadmodum spera-
viinus in te.

In te, Domine, speravi; non
confundar in æternum.

HYMNUS.

TANTUM ergo Sacramentum
Veneremur cernui :
Et antiquum documentum
Novo cedat ritui :
Præstet fides supplementum
Sensuum defectui.

Antiph. O sacrum convivium, in
quo Christus sumitur; recolitur
memoria Passionis ejus; mens im-
pletur gratiâ; et futuræ gloriæ no-
bis pignus datur.

℣. Panem de cœlo præstitisti eis,
Domine.

℟. Omne delectamentum in se ha-
beantem.

GENITORI, Genitoque
 Laus et jubilatio,
 Salus, honor, virtus, quoque
 Sit et benedictio :
 Procedenti ab utroque,
 Compar sit laudatio.

ORATIO

*Ad D. Virginem, Angelum
 Custodem, et SS. Patronos.*

O Beatissima Virgo, exaudi,
 quæso, preces, quas coram te ho-
 diè effundo; et humillimè peto, ut
 mihi, quem tibi, cum Joanne,
 pro filio commendare dignatus est
 Dominus Jesus Filius tuus, orna-
 menta virtutum omnium, contemp-
 tum rerum humanarum, munditiem
 cordis et corporis humilitatem et
 charitatem impetres.

Beatæ Mentis, quibus jam æterna
 illa obtigit felicitas, respicite ad me
 fratrem vestrum adhuc peregrinan-
 tem in loco horroris, et vastæ so-
 litudinis, ut vos imitari possim.

O Angele custos , qui in speculo
lucidissimæ Deitatis prævides peri-
cula mea , et lapsus , et occasiones
ejus : adesto , precor , supplicatio-
nibus meis , et dirige me in viam
bonam , ut non pigeat , non doleat
te de cura meâ , sed gaudeas in
æternum.

O Patroni mei , N. N. , vestrâ
me tutelâ , undique hostibus irruen-
tibus , vallate , ut non accedat ad
me malum , et flagellum non ap-
propinquet tabernaculo meo. Angelis
enim suis , et vobis mandare dig-
natus est Dominus , ut custodiatis
me in omnibus viis meis. Venite
igitur in subsidium , fortissimi Ath-
letæ , ut auxilio vestro ultionem
videam ex inimicis meis , et vobis-
cum in æternum laudem et glori-
ficem Dominum nostrum in terra
viventium. Amen.

©mOm©

ORATIO

*Quæ B. Virgo in Patronam
eligitur.*

SANCTA Maria, Mater Dei et Virgo, ego N. te hodiè in Dominam, Patronam et Advocatam eligo, firmiterque statuo ac propono, me numquam te derelicturum, neque contra te aliquid umquam dicturum, aut facturum; neque permissurum, ut à meis subditis aliquid contra tuum honorem umquam agatur. Obsecro te igitur, suscipe me in servum perpetuum, adsis mihi in omnibus actionibus meis, nec me deseras in hora mortis. Amen.

ORATIO UNIVERSALIS,

*Præcipuos continens Religionis
Actus.*

CREDO, Domine, sed credam firmius: spero, Domine, sed sperem securius; amo, Domine, sed amem

ardentiùs : doleo , Domine , sed
doleam vehementiùs.

Adoro te ùt primum principium ;
desidero ùt finem ultimum ; laudo
ùt benefactorem perpetuum ; invoco
ùt defensorem propitium.

Tuâ me sapientiâ dirige , justitiâ
contine , clementiâ solare , potentiâ
protege.

Ut tuus sîm ex Baptismo , abrenuntio
satanæ et operibus ejus ,
mundo et pompis ejus , carni et
concupiscentiis ejus , hæresi et
erroribus ejus.

Consecro etiam tibi , cogitanda
ut sint ad te , dicenda ut sint de
te , facienda ut sint secundum te ,
ferenda ut sint propter te.

Volo quidquid vis , volo quia
vis , volo quomodo vis , volo quam-
diu vis.

Æstimem quod æstimas , repro-
bem quod reprobas , vitem quod
vetas , servem quod mandas.

Ad id , oro , intellectum illumi-
nes , voluntatem inflames , corpus
emendes , animam sanctifices.

Defleam præteritas iniquitates ,
repellam futuras tentationes , corri-

gam vitiosas propensiones , excolam idoneas virtutes.

Tribue mihi , bone Deus , amorem tuû , odium meû , zelum proximi , contemptum sæculi.

Studeam Superioribus obedire , inferioribus subvenire , amicis consalere , inimicis parcere.

Vincam voluptatem austeritate , avaritiam largitate , iracundiam lenitate , tepiditatem pietate.

Insere cordi meo timorem sine desolatione , fiduciam sine præsumptione , devotionem sine illusionem , lætitiâ sine dissolutione.

Redde me etiam prudentem in consiliis , constantem in periculis , patientem in adversis , humilem in prosperis.

Fac , Dômine , sim in oratione attentus , in epulo sobrius , in munere sedulus , in proposito firmus.

Sic sensus regam , ut nil mihi accadat audiendo noxium , loquendo improbum , videndo impurum , agendo perversum.

Curem habere innocentiam interiorem , modestiam exteriorem , conversationem exemplarem , vitam regularem.

Assiduè invigilem naturæ do-
mandæ, gratiæ fovendæ, legi ser-
vandæ, salutis acquirendæ.

Discam à te quàm tenue sit quod
terrenum, quàm grande quod di-
vinum, quàm breve quod tempo-
raneum, quàm durabile quod æter-
num.

Da, mortem præveniam, judicium
pertineam, infernum effugiam,
Paradisum obtineam.

Denique concede pœnitentiam reis,
perseverantiam justis, concordiam
vivis, beatitudinem defunctis.

Christo præpotente, Mariâ in-
tercedente, Patrono deprecante,
Ecclesiâ totâ suffragante. Amen.





MODUS
INSERVIENDI SACRO.

Sacerdos.

IN nomine Patris , et Filii , et Spiritûs sancti. Amen.
Introibo ad altare Dei.

Minister.

Ad Deum qui lætificat juventutem meam.

Sac. Judica me Deus , et discerne causam meam de gente non sancta , ab homine iniquo et doloso erue me.

Min. Quia tu es Deus fortitudo mea , quare me repulisti , et quare tristis incedo , dum affligit me inimicus.

Sac. Emitte lucem tuam et veritatem tuam : ipsa me deduxerunt et adduxerunt in montem sanctum tuum , et in tabernacula tua.

Min. Et introibo ad Altare Dei,
ad Deum qui lætificat juventutem
meam.

Sac. Confitebor tibi in cithara
Deus, Deus meus, quare tristis es
anima mea, et quare conturbas
me?

Min. Spera in Deo, quoniam ad-
huc confitebor illi: salutare vultus
mei et Deus meus.

Sac. Gloria Patri, et Filio, et
Spiritus sancto.

Min. Sicut erat in principio, et
nunc, et semper: et in sæcula sæ-
culorum. Amen.

Sic. Introibo ad Altare Dei.

Min. Ad Deum qui lætificat ju-
ventutem meam.

Sac. Adjutorium nostrum in no-
mine Domini.

Min. Qui fecit cælum et terram.

Sac. Confiteor Deo omnipotenti,
beatæ Mariæ, etc.

Min. Misereatur tui omnipotens
Deus, et dimissis peccatis tuis per-
ducat te ad vitam æternam.

Sac. Amen.

Min. Confiteor Deo omnipotenti,
beatæ Mariæ semper Virgini, beato
Michaëli Archangelo, beato Joanni

Baptistæ, sanctis Apostolis Petro et Paulo, omnibus Sanctis, et tibi Pater : quia peccavi nimis cogitatione; verbo et opere, meâ culpâ, meâ culpâ, meâ maximâ culpâ : ideò precor beatam Mariam semper Virginem, beatum Michaëlem Archangelum, beatum Joannem Baptistam, sanctos Apostolos, Petrum et Paulum, omnes Sanctos, et te Pater, orare pro me ad Dominum Deum nostrum.

Sac. Misereatur vestri, omnipotens Deus, etc.

Min. Amen.

Sac. Indulgentiam, absolutionem, etc.

Min. Amen.

Sac. Deus tu conversus vivificabis nos.

Min. Et plebs tua lætabitur in te.

Sac. Ostende nobis, Domine, misericordiam tuam.

Min. Et salutare tuum da nobis.

Sac. Domine, exaudi orationem meam.

Min. Et clamor meus ad te veniat.

Sac. Dominus vobiscum.

Min. Et cum Spiritu tuo.

Ora. Oremus, etc.

Ante Epistolam.

Sac. Kyrie eleïson.

Min. Kyrie eleïson.

Sac. Kyrie eleïson.

Min. Christe eleïson.

Sac. Christe eleïson.

Min. Christe eleïson.

Sac. Kyrie eleïson.

Min. Kyrie eleïson.

Sac. Kyrie eleïson.

Sac. Dominus vobiscum.

Min. Et cum spiritu tuo.

Sac. Per omnia sæcula sæculorum.

Min. Amen.

*In fine Epistolæ respondendum
est altâ voce :*

Min. Deo gratias.

Ad Evangelium.

Sac. Dominus vobiscum.

Min. Et cum spiritu tuo.

Sac. Sequentia (vel initium) sancti Evangelii secundum Matthæum, Joannem, etc.

Min. Gloria tibi Domine.

*In fine Evangelii respondendum
est altâ voce :*

Min. Laus tibi Christe.

Post Evangelium.

Sac. Dominus vobiscum.

Min. Et cum spiritu tuo.

*Respondendum est quod sequitur
quando Sacerdos dicit*

Orate Fratres.

*Expecta donec Sacerdos absolverit
circulum.*

Min. Suscipiat Dominus sacrificium
de manibus tuis, ad laudem et glo-
riam nominis tui, ad utilitatem quo-
que nostram, totiusque Ecclesiæ suæ
sanctæ.

Sac. Per omnia sæcula sæculo-
rum.

Min. Amen.

Sac. Dominus vobiscum.

Min. Et cum spiritu tuo.

Sac. Sursum corda.

Min. Habemus ad Dominum.

Sac. Gratias agamus Domino Deo
nostro.

Min. Dignum et justum est.

*Ad Corporis Domini elevationem
pulsanda est campana, simili-
ter et ad sanguinis Domini
elevationem.*

Post Elevationem.

Sac. Per omnia sæcula sæculo-
rum.

Min. Amen.

Sac. Et ne nos inducas in tenta-
tionem.

Min. Sed libera nos à malo.

Sac. Per omnia sæcula sæculo-
rum.

Min. Amen.

Sac. Pax Domini sit semper vo-
biscum.

Min. Et cum spiritu tuo

Post S. Eucharistice sumptionem.

Sac. Dominus vobiscum.

Min. Et cum spiritu tuo.

Sac. Per omnia sæcula sæculo-
rum.

Min. Amen.

Sac. Dominus vobiscum.

Min. Et cum spiritu tuo.

222 *Modus inserviendi Sacro:*

Sac. Itē Missa est.

Min. Deo gratias.

Sac. Benedicat vos omnipotens Deus Pater, et Filius; et Spiritus sanctus.

Min. Amen.

Sac. Dominus vobiscum.

Min. Et cum spiritu tuo.

Sac. Initium sancti Evangelii secundum Joannem.

Min. Gloria tibi Domine.

In fine cujusvis Evangelii respondendum est : Deo gratias.

FINIS.

APPROBATIO.

Opusculum cui titulus : *Parvus Catechismus Catholicorum R. P. Petri Canisii, Soc. Jesu, necnon Manuale pietatis in usum Studiosæ Juventutis*, utiliter reimprimetur.

Mechliniæ 18 Aprilis 1825.

J. FORGEUR, Vic.-Gen.

INDEX.

P ARVUS Catechismus.	fol. 5
<i>Scripturæ Sacræ Testimonia contra hæreticos in promptu semper habenda.</i>	60
MANUALE PIETATIS etc.	
<i>Preces matutinæ.</i>	5
<i>Preces Vespertinæ.</i>	18
<i>Preces pro Sacrificio Missæ.</i>	28
<i>Precatio post Missam.</i>	46
<i>Catalogus peccatorum pro Confessione generali.</i>	47
<i>Orationes pœnitentiales ante Confessionem.</i>	59
<i>Preces post Confessionem.</i>	70
<i>Preces ante Communionem.</i>	74
<i>Preces post Communionem.</i>	80
<i>Aliud exercitium devotionis post Communionem.</i>	85
<i>Piæ Petitiones post S. Communionem.</i>	90
<i>Litanicæ SS. Trinitatis.</i>	94
<i>Litanicæ S. Spiritûs.</i>	98
<i>Hymnus Veni S. Spiritus, etc.</i>	102

<i>Litanie SS. Nominis Jesu.</i>	105
<i>Litanie de SS. Angelis.</i>	109
<i>Litanie de Venerabili Sacram.</i>	115
<i>Litanie vite et passionis D. N. Jesu-Christi.</i>	120
<i>Litanie B. Virginis Lauretanæ.</i>	7
<i>Litanie S. Josephi.</i>	125
<i>Litanie S. Aloysii Gonzagæ.</i>	130
<i>Orationes ad Sanctos Soc. Jesu.</i>	133
<i>Litanie omnium Sanctorum.</i>	136
<i>Septem Psalmi Pœnitentiales cum Orat. contra septem vitia Capit.</i>	148
<i>Pia Suspiria ex S. Scriptura deprompta etc.</i>	169
<i>Orationes Jacul. Exercitia diurna.</i>	180
<i>Threnus S. Augustini.</i>	193
<i>Oratio S. Thomæ Aquinatis.</i>	196
<i>Piæ Petitiones S. Augustini.</i>	199
<i>Oratio S. Francisci-Xaverii pro conversione infidelium.</i>	200
<i>Preces ad eligendum vitæ statum.</i>	202
<i>Hymnus : Veni, Creator Spiritus, etc.</i>	206
<i>Hymnus : Te Deum, etc.</i>	207
<i>Hymnus : Tantum ergò, etc.</i>	209
<i>Oratio ad S. Virginem.</i>	210
<i>Oratio quâ B. Virginem in patronam eligitur.</i>	212
<i>Oratio universalis.</i>	ibid.
<i>Modus inserviendi Sacro.</i>	216

